

U YA NNDHA HA MUSHASHA

 Kha ri vhe ro ima lwa tshifhinganyana fhedzi.

Mudzimu a Funwaho, ri a U livhuwa nga n̄thani ha iyi inwe pfanelo ya u ima nduni ya Mudzimu huno ra luvha Mudzimu a tshilaho. Ri a livhuwa nga maanda uri ri kha di tendelwa iyi pfanelo shangoni. Huno zwino ri a livhuwa avha vhathu vha fulufhedzeaho, na vhone-vho, Murena, vhe vha da vha tshi bva kha maela nnzhi, mađana a dzimaela, vhunzhi havho. Huno vhañwe vhavho vha do lingedza u—u sinda ndila yavho ya u humela murahu, madekwana a ñamusi, fhasi magondoni, u buđekanya gondo. Mudzimu, ndi rabela uri U do vha navho nahone wa vha thusa. Vha endedze, Oo Khotsi. Ri a U livhuwa nga n̄thani ha iyi mvula ñukhu ya tshikolela yo ri rothodzelaho muya, lwa tshifhinganyana.

² Huno, Khotsi, ri rabela uri U do tangana na riñe madekwana a ñamusi kha Ipfi Lau. Ngauri, izwo ndi ngazwo ro kuvhangana, Murena, ndi u tangana na Iwe kha Ipfi. Ri thuse, Murena, uri khuvhangano yashu i vhe ya mbuelo nga maanda kha Muvhuso Wau, na uri ri kone u thusiwa nga maanda, uri ri kone u thusa vhañwe. Tendela izwi zwithu ri a humbela, Dzinani la Yesu. Amene.

Ni nga dzula.

³ Ndi na mivhudzisano i si gathi ya phuraivethe ngomu henehfo. Huno musi muñtangano u sa athu thoma, Billy o nñea mu—muhwalo muhulu wayo u swika ndi—ndi si tsha ñivha uri ndi nga thoma nga ndila ifhio. Fhedzi ri khou rabela uri—uri Mudzimu u do ni fhañutshedza nga n̄thani ha vhudidini hanu ha u sala ni tshi itela tshumelo ya nga madekwana.

⁴ Zwino, Mudzimu a tshi funa, nga matsheloni a Swondaha i tevhelaho ndi do vha ndi na tshu—tshumelo hafhu. Ndo tou amba na mufunzi, huno zwo luga khavho.

⁵ Huno zwino ndi tama ndo vha ndi na tshifhinga tsha u limuwa khonani inwe na inwe yavhuđi ine nda vha nayo ngomu hafha, fhedzi ndi a zwi ñivha uri no lindela. Hu a fhisa. Huno ndi—ndi do tou pfuka itsho tshifhinga, huno—huno nda tou amba izwi, “Mudzimu a ni fhañutshedze.”

⁶ Ni a ñivha, a thi ñivhi nga ha tshiñwe tshithu tshihulwane—vho tshire muñwe muthu a nga nkhumbelela tshone, u fhira u ri, “Mudzimu a ni fhañutshedze.” Ni a vhonai Arali A tshi do ita izwo, ndi zwenezwo fhedzi zwine nda tođa, fhedzi—fhedzi zwenezwo. Ndi elekanya uri ilo ndi ipfi lihulwanesa kha—kha muambo, “Mudzimu a ni fhañutshedze.” Huno, zwino, huno ndi a zwi ñivha uri U a ita.

⁷ Huno sa izwi ndo amba na mufumakadzi zwifhinganyana zwi si gathi zwo fhiraho. Ndo vha—ndo vha ndi tshi khou lingedza u ŋamba muvhili, huno nda kundelwa u oma. Ndo vha—ndo vha ndi tshi oma, huno zwenezwo nda nukala hafhu. Ndo vha ndi tshi oma, huno nda kundelwa u ambara hemmbe yanga, na yone. Huno zwo fhambana zwiṭuku nn̄da ngei Tucson. Hu ḥodou fhisa kavhili kha huno, fhedzi zwenezwo inwi—inwi a ni na na biko. A hu na—a hu na muqunu muyani, ngauralo u u omisa zwenezwo ni tshi bvela nn̄da. Inwi ni vhea pani ya madi heneffo, huno o ṭuwa. Inwi a ni bvi biko, ngauri hu li ṭuwisa kha inwi ni—ni—ni sa athu bva biko. Inwi ni a bva biko, zwo luga, fhedzi a ni li vhoni na kathihi. Ngauralo, fhano, ndo vha ndi tshi khou lingedza u vha na tshifhinga tshi ofhisaho tsha u oma. Ngauralo, nahone ndi—ndi khou kama zwa zwino.

⁸ Ro no vhuya lufherani heneffo, huno ro vha ri na vhathu vha sumbe kana vha malo nga ngomu, vhe vha vha vhe nyimele dza tshihadu, nahone avho vho ḥo tea u vhoniwa nga u ṭavhanya.

⁹ Zwino, tsho itisaho uri ndi dzule, huno nda ni humbela u—u ḫa, ndi ngauri ndi—ndi pfa uri zwi na—zwi na mbuelo kha riñe. Ndo—ndo vha ndi si nga zwi iti izwo, dzikhonani. Ndi—ndi elekanya lwo kalulesaho nga ha vhoiñwi, u ita izwo, u tou ḫa u—u pfa muñwe muthu, kana u thetselesa zwine nda ḥo amba, kana tshiñwe tshithu. Ndo—ndo vha ndi si nga zwi iti izwo. Izwo zwo vha zwi si nga vhi zwo lugaho. Zwo vha zwi si nga sumbedzi lufuno lwanga kha vhoiñwi, u tou ḫa nga u ralo. Nahone a thi tendi uri ni da... Naho, ndi tshi zwi ḫivha uri ni a mpfuna, vhunga ndi tshi ni funa. Huno—huno ngauralo ndi—ndi—ndi a zwi ḫivha izwo, kana no vha ni si nga iti zwithu zwine na ita. Ngauralo ndi elekanya lwo ḫedanaho nga ha vhoiñwi, uri ndo vha ndi si nga vhi na vhoiñwi no dzula mufhisoni na zwithu, ngaurali, arali ndi songo elekanya uri ho vha hu tshiñwe tshithu tsha u ni thusa.

¹⁰ Zwenezwo, ndi sa athu ḫa fhano, tshifhinga tshoṭhe ndi lingedza zwanga zwa khwinesa, phanda ha Mudzimu, u nanga tshiñwe tshithu tshiṭuku, Luñwalo lwa iñwe ndila, huno nda humbela u endedzwā Ngae, tshithu tsha u fhedza ndi sa athu ṭuwa. “Thusa, Murena Mudzimu, nga iñwe ndila, nea—nea zweṭhe zwine Wa kona avho vhathu vha funwaho.”

Huno ndi lavhelela, nahone ndi a tenda, uri tshifhinga tshoṭhe ndi ḥo dzula na vhoiñwi. Ndi tenda uri itshi ndi tshikhala tshipfufhisa tshine ra vha natsho, musi ri tshi ima rothe ngaurali. Ri ḥo vha rothe kha Vhutshilo-tshoṭhe. Ni a vhona? Ndi ita hezwo. Ndi—ndi—ndi a zwi tenda hezwo.

Huno ndi ḫo u ni thusa. Huno nne, arali ndi tshi amba tshiñwe tshithu tsho khakheaho, Khotsi wa Taqulu u a zwi ḫivha uri a si ngauri ndo ḫimisela u tshi ita; ndi ngauri ndi a tshi ita ndi sa zwi ḫivhi; ndi ḥo vha ndi tshi khou tshi ita ndi sa ḫivhi.

¹¹ Ngauralo-ha, ndi tshi zwi ḋivha uri ni vhudifhinduleli hanga, nahone zwandani zwanga, u itela Mafhungo-mađifha, tshifhinga tshothe ndi ḍo ṭoda u ni vhulunga henefha masiaṭarini a iyi Bivhili. Huno—huno ndi . . .

Zwifhinga zwinzhi vhathu who ḍa kha nne, huno vha ri, “Mukomana Branham, arali ni tshi nga tou bvela hafha nn̄da huno na ri ‘U RALO MURENA’ kha ḥwananga muṭuku a no khou lwala, u ḍo vha na mutakalo. Iyani nn̄da hangei huno ni tou ri, ‘U ḍo vha na mutakalo.’ Ndi zwenezwo fhedzi zwine nda ṭoda ni tshi zwi ita.”

¹² Zwino, izwo zwi a fulufhedzea nahone zwo naka. Nga ndila ine nda zwi takalela izwo! Fhedzi, ni a ḋivha, ndi nga si kone u ita izwo u swika A tshi mmbudza, u thoma. Ni a vhona? Ndi kona u rabelela ḥwana, nda ita zwothe zwine nda kona.

Fhedzi, ni a vhona, mini-ha arali ndo ya ngei nn̄da ndi na mafulufulu huno nda zwi amba izwo? Ni a vhona, arali ndo ri, “U RALO MURENA,” zwone zwa vhukuma zwo vha zwi tshi do tou vha a ralo mafulufulu anga. Ni a vhona? Ni a vhona? Huno zwenezwo zwi nga ḫi bvelela, nahone zwi nga ḫi si bvelele. Fhedzi, zwenezwo, mini-ha arali onoyo muthu muthihi e na mafulufulu anga, huno zwi songo bvelela? Zwenezwo, uyo muthu nga tshiñwe tshifhinga a nga ḫi vha e kha nzu—nzulele i re vhukati ha vhutshilo na lufu, zwenezwo vhufulufhelo havho vhu ḫo vha ngafhi? Vha ḫo ofha uri ndi nga ḫi vha na mafulufulu ḫafhu. Ni a vhona?

Ngauralo, musi ndi tshi zwi amba, ndi ṭodou vha na vhuṭanzi ho khwaṭhaho uri ndi zwone, nga zwothe zwine nda zwi ḋivha. Huno musi A tshi amba na nne, ndi kona u amba fhedzi zwe A ntsumbedza. Kana ndi zwavhuḍi kana zwo vhifha, ndi tea u zwi amba. Huno tshiñwe tshifhinga zwi vha—zwi vha zwi sa takadzi u vhudza vhathu izwo zwithu. Fhedzi, naho zwo ralo, ndi a kombetshedzwa nga mushumo u vhudza vhathu zwithu zwi—zwivhi zwi no ḫo vha wela, vhunga ndi tshi kombetshedzwa nga mushumo u vha vhudza zwithu zwavhuḍi zwi no ḫo vha wela.

¹³ Huno, itali, ri ṭoda lufuno lwa Murena. Tshiñwe tshifhinga lufuno lwa Murena lu fhambana na lutamo lwashu. Fhedzi, naho zwo ralo, arali ri tshi ṭoda lufuno lwa Murena, zwi tou vha zwa vhuthogwa u zwi ḋivha uri zwivhi zwi ḫo ri wela, arali hu lufuno lwa Murena. Kana ndi zwavhuḍi kana ndi zwivhi, ndi lufuno lwa Murena lune ra ṭoda lu tshi itwa. Huno ndi a zwi ḋivha uri ri zwi sedza nga uyo mukhwa.

¹⁴ Zwino, ndi—ndi a zwi ḋivha uri vharathu fhano kanzhi vha na mulaedza wa miniti dža furaru, wa miniti dža fumbili u swika kha ya furaru vhusiku ha Swondaha. Huno a—a thi ḋivhi uri kana ndi nga ita izwo kana hai, ngauralo ndi—ndi khou tou yo ita zwa khwinesa zwine nda kona.

¹⁵ Zwino, ndi elekanya uri hu na tshumelo ya ndovhedzo nga u ḥavhanya nga murahu ha iyi. Ndo zwi pfa uri vho lovhedza tshigwada tsha vhathu matsheloni ano. Lu sa fhidzi, hu na ndovhedzo i no khou bvela phanda fhano, tshifhinga tshothe. Vhashumeli, Vhamethodisi, Vhabaphuthisi, Mupuresbiterieni, tshivhidzo tsha Mudzimu, Muļučere, tshiňwe na tshiňwe tshire tsha vha tshone, vha khou da huno vha khou lovhedzwa nga Dzina la “Murena Yesu Kristo.”

Huno phanda ha Mudzimu, musi ndi tshi tea u ima Tshiduloni tsha Khathulo, ndi tea u zwi fhindulela izwo. Huno arali ndo vha ndi tshi tou vha a pfesesaho mihumbuloni yanga, ya u vha o lugaho kha tshiňwe na tshiňwe vhutshiloni hanga vhunga ndi wa hezwo, ndo vha ndi tshi do lugela U Takulelwala Tađulu zwa zwino, ngauri ndi a divha uri iyo ndi Ngoho ya Mafhungo-madjifa. Ni a vhona? Iyo ndi Ngoho.

¹⁶ A hu na na Luňwalo na luthihi Bivhilini he muňwe muthu a vhuya a lovhedzwa nga inwe ndila-vho nga nnda ha Dzina la Yesu Kristo. Ndaela ya “Khotsi, Murwa, na Muya Mukhethwa,” fhedzi ndi... “Iyani ngauralo-ha, ni funze tshakha dzothe, ni tshi vha lovhedza nga Dzina la Khotsi, Murwa, Muya Mukhethwa.” Hu si kha...hu si u vhidzelela uvhu vhuimo khavho; fhedzi ni vha lovhedza nga Dzina la Khotsi, Murwa, Muya Mukhethwa, line la vha “Murena Yesu Kristo.”

¹⁷ Muňwe na muňwe Bivhilini o lovhedzwa nga Dzina la Yesu Kristo. Huno Bivhili yo amba, zwauri, “Ane a do ḥusa Ipfi lithihi Khayo, kana a engedza nga ipfi lithihi Khayo, nga inwe ndila, khombo khae.” Ngauralo ndi na two edanaho zwine ndi nga zwi ofha, nga nnđani ha u engedza nga tshiňwe tshithu kana u Li bvisa kha Luňwalo.

Zwo nnzhenisa vhulemeni zwifhinga zwinzhi, fhedzi ndi dzula henehafho. Ndi ene ndamulelo yanga. Zwo mmbangela u fhandekana na khonani nnzhi. Vho khaukana na nne nga īwambo wa hezwo. Fhedzi zwenezwo ndi tshi vhulunga iyi Khonani hafha, Murena Yesu! Huno Ndi ene Ipfi. A hu londwi, uri ndila i lemela hani, ndila i kondā hani, U da nga ndila i fanaho. “Huno arali vha tshi vhidza Munę wa nndu ‘Belesebulu,’ vha do vhidza zwingafhani avho vha vhafunziwa Vhawe?”

¹⁸ Zwino Murena a vhe na inwi huno a ni fhatutshedze kha vhege, huno a ni ɻee zwa khwinesa zwine ndi nga rabela Mudzimu uri a ni ɻee, ndi thabelo yanga.

Zwino ri khou yo vhala kha Ipfi la vhut hogwa.

¹⁹ Huno—huno zwino elelwani, hafhu, vhusiku ha Lavhuraru... Naa hu na tshumelo-vho ya thabelo ya vhukati ha vhege kana tshiňwe tshithu? [Murathu Neville u ri, “Lavhuvhili, muļangano wa thabelo ya thumbani, vhusiku

ha Musumbuluwo na Lavhuvhili.”—Mudz.] Vhusiku ha Musumbuluwo na Lavhuvhili ndi miṭangano ya thabelo ya thumbani. Ndi humbulela uri vhathu vha a zwi ḋivha.

²⁰ Mukomana Junior Jackson, naa u hone ngomu tshifhaṭoni? Ndi... Mukomana Jackson, a thi... [Murathu Neville u ri, “Ee, nga hangeno.”—Mudz.] U fhano, Mukomana Jackson. Zwo luga. Ndi—ndi... Muñwe Mukomana Jackson fhano, ndi...

Huno Mukomana Don Ruddell, naa u hone ngomu tshifhaṭoni madekwana a ḥamus? Mukomana Don, hangeno.

Huno vhunzhi ha vhañwe vharathu, ndi vhona vharathu hafha vha bvaho Arkansas, na Louisiana, na—na mafhethu o fhambanaho u mona na shango.

²¹ Huno ndi na vhañwe, vharathu vhahulwane fhano madekwana a ḥamus, na vhone-who. Ndi na Mukomana Thomas Kidd o dzulaho nga hangeno kha tsha u la, u do vha na miñwaha ya fumaloña nga mađuvha a si gathi. Huno kha miñwaha i no ṭodou swika mirarū kana miñā yo fhiraho, o itwa muaro wa vhuleme ha thanga ya tshinnani, huno o vha a tshi khou fa nga pfuko. Dokotela o vha a tshi kha di tou bva u dovha u mu ededza uri a fe. Huno ndo ṭodou tshinyadza modoro wanga wa kale, ndi tshi ya khae, n̄tha ngei Ohio. Huno Murena Yesu o mu fhodza a vha na mutakalo. Huno hafha, ene na thama yawe ḫukhu, madekwana a ḥamus. Huno vhunzhi hañu ni a vha ḋivha; khamusi vhañwe a ni ralo. Fhedzi ngoyu munna na musadzi vhe vha vha vha tshi khou rera Mafhungo-mađifha nñe ndi sa athu bebwā. Zwi elekanyeni hezwo, huno ndi munna o aluwaho. Ni a vhona? Zwino, huno ndi a vha sedza, huno vhone vha tshi kha ḫi tshimbila, zwenezwo ndi a vha na tshivhindī.

Riñe rothe ri a ḋivha Mukomana Bill Dauch o dzulaho hafha khuđani.

²² Huno, oo, ri livhuwa hani phathutshedzo khulwane dzothe dza Mudzimu! Ngavhe dzi tshi bvela phanda na u vha na rine u swika porompiṭa ya u fhedza i tshi lila huno, ni a ḋivha, “Ri do tanganedzwa rothe n̄tha, u tangana na Murena tuyani.” Zwi elekanyeni! Vhat̄hu vha sa wanali, a vha tsha kona u ni vhona, fhedzi ni khou ḫa fhethu huthihi na vhañwe vha tshigwada vhoṭhe.

“Avho vhane vha tshila huno vha salela U Da ha Murena vha nga si thivhele, kana vha thithisa,” ipfi ndi, “avho vho edelaho,” hu si vho faho. Hai, Vhakriste a vha fi. Vha khou tou awela zwiñuku, ni a vhona. Ndi zwenezwo fhedzi. Yawee, nnenne! “Huno lufhalafhala lwa Mudzimu lu do lila; huno vhabu vha re kha Kristo vha do vuwa u thoma,” vha bvelela kha vhanzhi. Huno nga khathihi fhedzi, ni do ima na sedza, huno, zwo luga, hu na mukomana, huno ni a zwi ḋivha uri zwi nga si dzhie tshifhinga tshilapfu. Nga miniti i si gathi,

²³ “Ri do shandukiswa, nga tshifhinganyana, nga u poidza ha ito. Huno riñe na vhone, ri do vha vha sa wanali kha lifhasi, ra tanganedzwa nthā u tanganedza Murena tuyani.”

²⁴ Huno, u elekanya, nga zwothe zwe ra zwi vhona Mañwaloni, na khwathisedzo dzo ḥavutshedzwaho zwavhudzi awara ine ra khou tshila khayo, zwi nga bvelela tshumelo i sa athu guma, itonu elekanya hezwo, vhusiku vhuno.

Zwenezwo, nga izwo, ri sendela kha Ipfi Lawe, musi ri tshi fhenda kha Vhaheberu ndima ya vhu13, huno ri khou yo vhala u thoma nga ndimana ya vhu10 u ya kha ndimana ya vhu14. Lwa Vhaheberu 10 na...kana, kana ni mpfarele. Vhaheberu 13:10 u swika 14.

²⁵ Zwino, vhunga ndo amba, riñe, musi ri tshi thonifha fulaga yashu, zwine zwa vha zwavhudzi, ndi... Ríne tshifhinga tshothe ri a ima musi ri tshi thonifha. Huno zwiñwe zwiwo zwiñlwane zwothe, ri—ri ima ri tshi zwi hulisa, kana u saluta, na zwiñwe-who, kha lushaka lwasu. Huno musi vha tshi khou lidza *Tshiga Tshi Penyaho Naledzi*, ri ima tswititi.

²⁶ Huno sa maswole a Tshikriste, kha ri ime tswititi musi ri tshi vhala Ipfi la Mudzimu. Thetshelesani zwavhudzi kha u vhalwa ha Ipfi. Tshi itisaho uri ndi takalele u Li vhala; maipfi anga a nga di kundelwa, fhedzi Awe ha nga do ralo. Ngauralo arali nda vhala Ipfi Lawe, li lothe, ni do fhañutshedzwa. Ndimana ya vhu10 ya ndima ya vhu13 ya Vhaheberu.

Ri na aliṭari, ine ya vha uri a vha na pfanelo ya u la avho vha no shumela thaberenakele.

Ngauri mitumbu ya izwo zwivhanda, ane malofha azwo a dzeniswa tshikhethwakhethwani nga tshifhe muhulu u itela tshivhi, i fhiswa nga nnda ha mushasha.

Ngauralo-vho Yesu, uri a kone u khethefhadza vhathe nga malofha a ene muñe, o tambudzwa nga nnda ha khoro.

Kha ri ye ngauralo-ha khae nga nnda ha mushasha, ro hwala u nyadziwa hawe.

Ngauri fhano a ri na mudi u no dzula u hone, fhedzi ri ṭoda uyo u no do da.

²⁷ Murena Mudzimu, A re na vhudifhinduleli ha ili Ipfi, nahone a re na vhudifhinduleli ha u Li londa kha zwikhathi, u vhona uri Li da kha riñe li songo vangiwa. Lo ḥamba, Ipfi la Mudzimu likhethwa. Ri a Li kuvhatedza mbiluni dzashu nga tshino tshifhinganyana. Kwasha ili linwalwa, Murena, li vhe ḥaluso yashu, madekwana a ñamusi; uri riñe, vhana vha vhathe, ri kone u pfesesa u rambiwa nga Mudzimu. Ngauri ri zwi humbela Dzinani la Yesu. Amene.

²⁷ Thoho yanga ya nga—ano madekwana ndi: *U Ya Nnda Ha Mushasha*. I tou vha ṭhoho ṭhukhu tshoṭhe, i sa pfecteswiho zwiṭuku, fhedzi, ni a ḋivha, kanzhi ri wana Mudzimu kha zwithu zwi sa pfecteswiho. Shango li ḋowela tshithu tsha mukhwa, u swika, tshiñwe tshithu tshi si tsha misi kha ndowellu ya nga misi, tshi tshi vha tshi sa pfecteswiho.

Vhunga ndo rera fhano mađuvha a si gathi o fhiraho, fhano kha thaberanakele, nga ha: *Muthu A Sa Pfecteswiho*. Huno mufuwi ndi muthu a sa pfecteswiho kha ramabindu; ramabindu ndi muthu a sa pfecteswiho kha mufuwi. Mukriste ndi muthu a sa pfecteswiho kha mute...a sa tendi, na muñwe-vho. Inwi ni tea u vha tsilu la muñwe muthu. Ngauralo, tshiñwe tshithu tshi si tsha misi, tshi ni ita unga ni tsilu, kha ndo—ndowellu ya nga misi.

²⁸ Huno ngauralo-ha, vhathu vha Mudzimu, na vhaporofita Vhawe, na vhadinda Vhawe—Vhawe kha tshikhathi, vhe vha hwala Mulaedza Wawe u bvaho kha Ipfi, vho dzhiwa sa matsilu, nnđa.

²⁹ Noaxe o vha e tsilu, kha shango lawe lihulwane la ndivho le a li rerela. Noaxe...Zwa vhukuma o vha e tsilu, kha Farao; mulenzhe wawe u kha khuluñoni huno zwenezwo a zwi furalela, u itela tshivhalonyana tsha vhasuki vha thophe, vhunga vho elekanya. Huno Yesu o vha e tsilu, kha vhathu. Huno vhañwe vhothe vhe vha shuma nahone vha tshilela Mudzimu, vho dzhiwa sa matsilu. Vha tea u ya nnđa ha mushasha we vha vha vhe nawo.

³⁰ Hafhu na hafhu, ndi itwa uri ndi tende uri vhathu a vha khou ya kha Kristo.

Zwino, ndi fhano u lingedza u thusa nga ndila inwe na inwe ine ndi nga kona, huno nda ita tshitatamennde tshanga uri tshi pfale u ya nga hune nda ḋivha u tshi ita. Huno ni nkondelele arali ni tshi funa.

³¹ Musi ndi tshi sedza na u rera kha lushaka lwothe, huno nda sedza vhathu, ndi—ndi a kwengwedzea tshoṭhe uri vhathu a vha khou ya kha Kristo. Huno ndi tenda uri ndi swina lo posaho itshi tshikhakhisi. Ngauri, tshi itisaho uri ndi tende izwi, A si ene tshithu tshe vha livhanyiswa natsho. Vha nga vha vho livhanyiswa na do—do—dogima, kana pfunzo, kana tshigwada, kana tshenzhemo, kana munyanyuwo, kana tshithu tshi no nga tshenetsho, vhudzuloni ha u livhanyiswa na Kristo, Ipfi.

Izwo ndi ngazwo ndi tshi elekanya uri vhathu vha vhea vhuyo ha U Ya Nga Hu Sa Fheli havho kha inwe dogima, kana muñwe munyanyuwo. Vhunga, muñwe a tshi ri, “Ndo tshina Muyani. Ndo—ndo amba nga dzindimi. Ndo—ndo—ndo pfa mulilo u tshi gidima kha nne.” Huno ni a zwi ḋivha, zwoṭhe izwo zwithu zwi kona u edzisiwa nga diabolo?

³² Hu tou vha na tshithu tshithihi tshine a sa kone u tshi edzisa, ilo ndi Ipfi. Kha khanedzano, vhukati ha ene na Yesu, tshifhinga tshiñwe na tshiñwe Yesu o mu kunda. “Ho riwaliwa,” Ipfi!

Huno ndi a tenda, namusi, uri tshi itisaho uri vhathu vha sa de kha Kristo, ndi ngauri vha a livhanyiswa, vhunzhi havho, na di-di-dinomineisheni. “Inwi idani ni vhe murado wa tshivhidzo tshashu.” Kana, “Inwi vhalani katekisima yashu,” kana, “Tendani pfunzo yashu,” kana-kana iñwe sisteme ya luñwe lushaka. Vha livhanyiswa na ndila i si yone. Huno nyito yavho na vhutshilo vhune vha vhu tshila vha si na Kristo, zwi a sumbedza vhutshiloni ha vhone vhane, uri vhu khwañhisedzwa nga tshenetsho tshithu.

³³ Sa tsumbo. A thi ḥodi u vhaisa vhudipfi ha muñwe. Fhedzi, phanda na murahu, kha lushaka lwothe, ndo hatula vhasadzi vha tshi ambara mavhudzi mapfufhi. Iyo ndi Bivhili. Ndo hañula vhasadzi vha tshi ambara dzishothi, vha tshi shumisa zwidolođolo. Huno riwaha muñwe na muñwe zwi a ḥana. Zwi sumbedza uri hu na muñwe munwe, huñwe fhethu, u no khou vha livhanyisa na iñwe ndila. Huno a vha khou swika kha Kristo.

³⁴ Huno vha ri, “Ri vha tshivhidzo. Tshivhidzo tshashu a tshi...” A zwi iti phambano zwine tshivhidzo tshañ tsha tenda.

Mudzimu o ri, “Zwo khakhea.” Huno arali vho swika kha Kristo, vho vha vha tshi do zwi litsha izwo. Nahone, hu si izwo fhedzi, fhedzi munna o vha a tshi do dzhia vhuimo hawe arali o swika kha Kristo, huno izwo a lwa nazwo. Vhanna vho vha vha si nga tendeli vhafumakadzi vhavho u difara nga u ralo. Munna wa vhukumakuma ha ḥodi mufumakadzi wawe a tshi difara nga iyo ndila.

³⁵ Muthu muswa fhano mudini, liñwe duvha, o ḥodou vhulaha vhatukana vhavhili vhaswa. Vho vha vhe kha tshiñwe tshiñtshi tsha piñirolo. Vhoinwi vhathu vha Jeffersonville no zwi vhona kha bammbiri. Huno uyu musidzana muswa o gidimela tshiñtshini tsha piñirolo, a si na tshe a ambara, tshothe, na luthihi, huno avho vhañhingga vhavhili vho dzula heneffo vha tñhisa muhumbulo. Huno mushumeli a ḥodou vhulaha avho vhatukana vhavhili; huno a farelwa zwezwo, huno a pangwa khothe. Huno muhañuli a mu vhudzisa, “Naa ndi ngani wo... o ambara ngaurali?”

A ri, “Ndi elekanya uri u vhonala a tshi kunga.”

³⁶ Zwino, hu na tshiñwe tsho khakheaho kha uyo munna. A thi londi uri kana ndi... Arali e muitazwivhi, hu na tshiñwe tsho khakheaho khae. Lufuno lwawe kha uyo musadzi lwo kundelwa u vha lwa vhukumakuma, huno a tshi mu vhea nn̄da uri a vhe tshunzwedzi tsha mmbwa nga u ralo. Hu na tshiñwe tsho khakheaho. Naa munna o no vhuya a swika kha u limuha uri a nga hañula vhukati ha tshi re tshone na tsho khakheaho?

³⁷ Naa no vhona swuthu dza u bambela ntswa dze vha dzi bvisa? Naa ni a ñivha u bvumba hanga ha uri vhasadzi mafhedziselon i vha ðo da kha mañari a muhuyu, miñwaha ya furaruraru yo fhiraho? Huno zwino vha navho vho ambaraho mañari a muhuyu, zwikete zwi vhonadzaho. Ipfi la Murena a li kundelwi na kathihi. Ni a vhona? Huno izwo two vha zwi zwa u itea tshifhinga tsha vhufhelo tshi sa athu swika, u da kha ñari la muhuyu hafhu. Ndo vha ndi tshi khou zwi vhalâ kha magazini wa *Life*. Izwo two ambiwa miñwaha ya furaruraru yo fhiraho, vhasadzi vha sa athu dzhia u wa havho. Two ambiwa uri vha ðo zwi ita hani nga lino ñuvha, huno ngevha. Ndila ine vha ðo ambara zwiambaro vhunga munna, na ndila ine vha ðo... Mikhwa mivhi ya musadzi i ðo wa kha ulu lushaka.

³⁸ Lwa fhasisa kha tshakha dzothe dzi re hone shangoni, ndi ili Amerika. Ndi lone lo tshikafhalesaho la tshivhalyana. Izwo ndi u ya nga zvitatisitiki. Mbalo ðza mbingano na ñhalano dzi n̄ha kha ulu lushaka u fhira huñwe fhethu-vho shangoni, na pañeroni ya dziñwe tshakha. Ro vha ri tshi edzisela pañeroni i bvaho France, tshika na tshikha dza ulwo lushaka, huno zwino vha wana u ambara havho kha riñe. Ro kanda nn̄da ha mukano wavho.

³⁹ Ndi a zwi ñivha uri hu na tshinwe tshi itisaho uri vhathu vha songo swika kha Kristo. Arali vho vha vha tshi ðo ralo, vho vha vha si nga ñifari nga u ralo.

Yesu o tambula nga nn̄da ha dzikhorø, uri A kone u khethefhadza vhathu Vhawø nga Malofha A Ene muñe. *Khethefhadzo*, i bva kha ipfi la Tshigerika, la mbumbano, line la amba, “o kunakiswa, huno a vhetshelwa thungo u itela tshumelo.” Huno musi Mudzimu a tshi kunakisa vhathu Vhawø nga Malofha a Yesu, U a vha kunakisa kha tshika ya shango huno a vha vhetshela thungo u itela tshumelo.

*Ngauralo-vho Yesu, uri a kone u khethefhadza vhathu
nga malofha a ene muñe, o tambula nga nn̄da ha khoro.*

⁴⁰ Na kha vhathu vha Mafhungo-mađifha O Dalaho, vho vhuyeleta heneffo ngomu ha kutshilele ku netisaho kwe vha bva khakwo. Naa tshivhidzo tsha Pentekoste tsho vha tshi mini, miñwaha ya fuiña kana futhanu yo fhiraho? Vho sema, huno vha pomoka, nahone vha sea zwivhidzo zwe vha bva khazwo, idzo dinomineisheni. Naa vho itani? “U tou fana na mmbwa mañanzani ayo, na nguluvhe ya tsadzi kha u vhumbuluwa hayo.” Vho humela heneffo murahu fhethu honoho huthihi he vha tumulwa hone, huno zwino zwivhidzo zwavho two tou tshikafhala vhunga zwiñwe zweþhe.

⁴¹ Ho vha hu tshinwe tshithu, vhunga ndo amba matsheloni ano. Vhunga, vhathu vha nga zwe Petro a amba, kha Mateo Mukhethwa—Mukhethwa 17:4 u swika kha 8, he a ri, “Ndi zwavhudì u vha fhano. Kha ri fhaþe thaberanakele thanu.”

⁴² Fhedzi Muya wo vha vhudza uri vha songo zwi ita. Ha pfi, "Uyu ndi Murwa mufunwa Wanga; ni Mu pfe," huno Ndi ene Ipfi. Uyo ndi Ene ane ra tea u sedza khae, Ipfi, hu si mafulufulu ashu kana tshiñwe tshithu-vho. "Ndi ene Ipfi Langa; ni Mu pfe!" Huno vho vhona mini nga murahu ha musi ili Ipfi lo amba navho? Nahone Mushe na Eliya vho vha vha siho; na ndaela yo vha i siho; a ho ngo sala tshiñwe tshithu nga nn̄da ha Yesu fhedzi, huno Ndi ene Ipfi. Ndi zwenezwo fhedzi zwe vha zwi vhona.

Zwino, "U ya nga nn̄da ha mushasha."

⁴³ Ri wana uri kha mushasha wavho he uyu musi muhulwane wa itea, n̄tha kha Thavha ya Phenyiso, vhunga Petro ngavhuya o i vhidza zwezwo, "thavha khethwa," he A ḥangana navho. Zwino, a thi tendi uri muapostola o vha a tshi khou amba uri thavha yo vha i khethwa; o vha a tshi khou amba uri ho vha hu Mudzimu mukhethwa kha thavha.

A si tshivhidzo tshikhethwa; a si vhatu vhakhethwa. Ndi Muya Mukhethwa kha vhatu. Muya Mukhethwa ndi mukhethwa. Ndi wone mulangi wañu na murangaphanda wañu.

⁴⁴ Huno ri a wana, kha uyu mushasha muñuku n̄tha kha thavha, Phenyiso, musi vho vha vho newa ndaela ya u pfa, tshithu fhedzi tshe vha vha vho newa ndaela ya u tshi ita ho vha hu u pfa Ipfi. Tshithu fhedzi tshe vha tshi vhona, ho vha hu si ndaela. A vho ngo vhona tshiñwe tshithu-vho nga nn̄da ha Yesu, huno Ndi ene Ipfi lo itwaho ñama.

Zwo naka hani izwo, kha mushasha wonoyo muthihi we wa vha u ngadeni ya Edeni. Musi Mudzimu a tshi khwathisa Tshivhidzo Tshawe ngadeni ya Edeni, vhatu Vhawe, vho vha vhe na luvhondo luthihi lu salaho; ulwo lwo vha lu Ipfi. Vho vha vhe na tshiñangu tshithihi, tshithavhani tshithihi, tshithu tshithihi, ngauri Mudzimu o ñivha tshi no ño kunda diabolo, huno ilo ndi Ipfi.

⁴⁵ Yesu o ita zwenezwo zwithihi. "Ndi Ipfi; lo ñwaliwa." Huno Sathane o lingedza u-u Li fhoma, hu si u Li redza; u Li fhomela Ene. Huno Yesu o ri, "Huno nahone ho ñwaliwa." Zwino, ri fanela u dzula na ilo Ipfi!

⁴⁶ Huno kha uyu mushasha muñuku we vha vha vhe nawo heneffho, wa Petro, Yakobo, na Yohane; na Yesu, Mushe, na Elias. Huno kha mushasha wavho vho vhona magogo a Tađulu a murunzi, kana Khavhu ya Tshedza yo nembelela kha ili gole lo shandukisaho Murena Yesu. Huno musi vho vha vho lugela u ita dinomineisheni, inwe ya mulayo, huno inwe ya vhaporofita, na zwiñwe-vho, Ipfi la ri, "Uyu ndi Murwa mufunwa Wanga; ni Mu pfe." Zwenezwo, kha zwe vha vha vho newa ndaela, zwo vha zwi tshi tou vha kokotolo u fana na zwe zwa vha zwi zwone Edeni, "Dzulani na Ipfi!" Uyo ndi mushasha wa Mudzimu wa vhatu Vhawe.

⁴⁷ Hu a vhonala, ɿamusi, u vha ḋuvha ḥa musi vhathu vha tshi ya nn̄da ha mushasha. Kha tshiñwe na tshiñwe, vha khou ya nn̄da.

⁴⁸ Ni a ḋivha, ndo vhudzwa, tshiñwe tshifhinga tsho fhiraho, uri vho vha vhe na bufho ḥa dzhethé li no kona . . . ita idzo phosho dzine ra dzi pfa u mona na hafha, dzi no dzinginyisa mafasitere. Ndi musi bufho lo no vha na luvhilo nga maanda lune ḥa buda mubvumo wa lone lin̄e, u no pfi tshithivheli tsha mubvumo. Huno musi li tshi ya nn̄da ha tshithivheli tsha mubvumo tsha lone lin̄e, ndi ka᷑uku᷑ku zwi sa pimei zwine ḥa do ita.

Huno ndi a elekanya, ngomu henefho, uri ri wana ngudo. Musi ri tshi ya nn̄da ha tshithivheli tsha mubvumo tsha riñe vhañe, ngomu kha Ipfi ḥa Mudzimu, zwenezwo a zwi pimei zwine Mudzimu a nga ita nga munna o lugelaho u ya nn̄da ha mushasha, mushasha wa munna, u re wone. Zwino, ri vhonu uho, u ya nn̄da ha mushasha, u ya nn̄da ha itshi.

⁴⁹ Ndi vhonu Sa᷑thane, na ene, u khou dzhia vhathu vhawe nn̄da ha mushasha wa muhumbulo, nn̄da ha mu—mu—mu—mushasha wa—wa maano. Sathane a tshi khou dzhia vhathu vhawe nga iñwe ndila, nn̄da ha mushasha; Mudzimu a tshi khou dzhia vhathu Vhawe nn̄da, iyi iñwe ndila. Huno Sa᷑thane o vha dzhia nn̄da ha mushasha wa khuliso ya mađuvha othe. Musi zwi tshi da fhethu hune vhathu . . . huno vha kona u ḋifara na u ita, huno vha bvela phanda na zwithu zwine vha khou ita ɿamusi kha nzudzanyo ya mikhwa yavhudi. Zwi nn̄da ha mihumbulo yanga zwa ndila ine munna a nga dzudza mufumakadzi wawe ngei nn̄da, o ambara nga u ralo, huno a vhanda muñwe muthu nga ñwambo wa u mu sema. Zwi nn̄da ha maano. U tea u ḋivha zwa khwine u fhira izwo. Nn̄da ha khuliso ya mađuvha othe! Naa ndi ngafhi fhethu hu imiwaho?

⁵⁰ Muñwe munna kana musadzi wa vhukale hanga, ndi nga di ni vhudzisa izwi. Mini-ha arali mme anga kana mme anu, kha miñwaha i ḫođaho u swika fuñhanu yo fhiraho, vho tshimbila nn̄da tshiñarañani vhe na iñwe ya idzi phere dza dzishothi kana dzibikini, zwezwo zwine na dzi vhidza zwone, vho i ambara? Mulayo wo vha u tshi do vha wo vha doba, nga u ḫavhanya, huno wa vha vhea kha tshiimiswa tsha mipengo. Mufumakadzi o ḫuwa nduni a si na zwiambaro zwave zwa nga ɿtha, huno u tea u vha kha tshiimiswa, ngauri muhumbuloni hu na tshiñwe tsho khakheaho. Huno arali zwo vha zwi zwa muhumbuloni u ita tshithu tsho raloho tshifhingani itsho, zwa vhukuma ndi tshiga tsha ura tshiñwe tshithu tshi khou penga. Hu kha di vha u ḫahelelwa muhumbuloni, u ya nn̄da ha muhumbulo; tshika!

⁵¹ Huno musi munna a tshi kona u daha dzisigarete, huno madokotela vha tshi khou mu sumbedza uri vha zwigidi vha a fa ñwaha muñwe na muhwe nga itsho tshivhangi, huno a di dubisa dzisigarete, hu vhonala hu tshi nga hu na tshiñwe tsho khakheaho kha ḫalukanyo ya uyo munna.

Huno musi munna e na nyakhamadzo, huno a sa...ha koni u dzulisea, zwine a ita, u do ṭoda ofisi ya dokotela iñwe na iñwe i re hone shangoni, u wanulusa tsho khakheaho khae. Fhedzi zwenezwo u do ima barani kana modoroni, a nwa u swika a tshi penga tshothe-tshothe; a shumisa tshelede yawe, u disukumedzela ngomu ha hezwo. Huno arali zwa itea a dzhena ngomu hazwo hu si na u kambiwa nga tshikambi, zwenezwo u do shumisa peni iñwe na iñwe ine a i wana, ofisini ya dokotela, a tshi khou lingedza u wanulusa tsho khakheaho khae. A zwi pfali.

⁵² Arali hu tshi nga da lurwanzhivha lwa khukhwana lu tshi khou fhufha nga n̄ha ha mudi, huno nda dzhia tshigidi tshanga, huno nda ya dzharañani yanga ya nga murahu huno nda thuntsha ulu lurwanzhivha, nga miniti ya fumi u bva henefho ndi do vha ndi dzhele. Vha do ita uri ndi fariwe, “Nga—nga vhudifari vhu si ngonani; ndi tshi shumisa tshihali mudini; ndi tshi džhenisa matshilo a vhathu khomboni, nga tshigidi, ndi tshi thuntsha n̄ha muyani kha lurwanzhivha.” Ndi nga di vhulaha muñwe muthu, vha do ralo. “U tea u fariwa.”

Huno zwenezwo vha do rengisela munna tshikambi tsho edanaho uri a kambiwe, huno vha mu panga modoroni une u nga vhulaha muta wothe wo dalaho. Huno musi a tshi farwa, u nea, mutengo wa dołara thanu. Muvhulai o dzulaho o diimisela! Naa thaidzo ndi mini nga shango? Tshiñwe tsho khakhea huñwe fhethu.

⁵³ Zwino, “u ya nn̄da ha mushasha,” nn̄da ha khuliso, nn̄da ha muhumbulo.

Inwi dzhielani nzhele, vhapolitiki vhashu ñamusi a vha nga ambi tshithu nga ha u vhala Bivhili tshikoloni. Vha a ofha. A vha divhi uri maya u vhudzulelafhi. A vha divhi uri kana vha do xevelwa nga voto, kana hai. Ri ṭoda muñwe Abraham Lincoln. Ri ṭoda muñwe John Quincy Adam. Ri ṭoda muñwe muthu a no do ima, hu sa londwi uri maya u vhudzulelafhi, huno vha nea zwine vha tenda zwone zwi fhulufhedzeaho zwavho.

⁵⁴ Namusi, mureri wa dinomineisheni, naho na mu sumbedza kha Ipfi, Ngoho, ha divhi zwine a tea u ita. U a ofha uri u do xevelwa nga thikhithi ya zwiliwa. Ri ṭoda vhanna na vhasadzi ñamusi vho khwañhaho nga Mafhungo-madifha, muñwe muthu a no do ima huno a amba tshire a tenda tshone, a sumba tsho lugaho na tsho khakheaho, uri kana Ipfi la Mudzimu lo luga kana dinomineisheni yo luga.

⁵⁵ Yesu o ri, “Ipfi liñwe na liñwe la muthu nga li vhe mazwifhi, huno Langa li vhe Ngoho. Mañadulu na lifhasi zwi do lovha, fhedzi Maipfi Anga ha nga lovhi na kathihi.”

⁵⁶ Ngauralo, ni a vhona, vha ya nn̄da ha mushasha wa Ipfi la Mudzimu, u wana phindulo yavho. Musi o vha e...o vha kwengweledza u bva mushashani wa Ipfi la Mudzimu, vhunga o ita Efa ngadeni ya Edeni, Sañhane o ita zwenezwo

zwithihi namusi. Zwo luga. Ri wana hezwo. Vhathu vha kwengweledzelwa kha dogima dzavho na dzindaela nn̄da ha mushasha, mushashani wavho wa dogima na ndaela. Vha na mushasha, na wone, huno izwo zwi vha dzhenisa ngomu mushashani wawe. Wawe ndi mushasha wa pfunzo, theolodzhi, mishumo, digirii ya madokotela, wa pfunzo, vhumuthu, tshiñwe na tshiñwe tshi no lwa na mushasha wa Ipfi la Mudzimu. Mudzimu u na mushasha wa vhathu Vhawe. Dinomineisheni i na mushasha wa yone iñe.

⁵⁷ Minwaha ya zwigidi zwiraru yo fhiraho, munna o vha a tshi kona u ḥangana na Mudzimu zwinzhisa huriwe na huriwe. Ho vha hu tshithu tsho doweleaho uri munna a ḥangane na Mudzimu. Fhedzi ndi ngani vha sa ḥangani Nae ñamusi? Hu na vhathu vho engedzeaho, zwigidi zwi tshi andiswa nga zwigidi na dzimilioni dla vhathu vho engedzeaho u fhira vhe vha vha vhe hone miñwaha ya zwigidi zwiraru yo fhiraho, huno naho zwo ralo Mudzimu ndi tshiñwe tshithu tsha kale-kale tshe tsha ambiwa nga hatscho, iñwe dihvazwakale ya kale-kale. A vha ḥangani na Mudzimu, e muthu, vhunga vho ita miñwaha minzhi yo fhiraho, vhunga ndo amba, zwigidi zwiraru, miñwe miñwaha ya zwigidi zwiraru yo fhiraho. A vha iti. A zwo ngo dowelea uri munna a ḥangane na Mudzimu. Arali munna a tshi amba nga hazwo, u dzhiwa sa muthu a pengaho, muñwe muthu o xedzaho thalukanyo yawe. A zwo ngo dowelea nga maanda khavho!

⁵⁸ Kha nzulele ya Abrahamu nahone mushashani wawe, mulandu, ho vha kañukuñuku musi wa duvha liñwe na liñwe we Abrahamu a ḥangana na Mudzimu. O amba Nae. Hu si izwo fhedzi, fhedzi musi vho tsela fhasi ngomu Gerara, u dziilela; ri a wanulusa, henengei fhasi, uri Mudzimu o vha e mushashani na Abimeleke, Mufilista. Ho vha hu tshithu tsho doweleaho n̄ga maanda. Vho dzula mushashani wa Vhuhone Hawe.

Namusi, vha dzula mushashani wa vhone vhañe, huno a vha na mushumo na mushasha wa Mudzimu. A vha ḫodi u vha na mushumo nawo, ngauri ndi wa vhusweleli ho kalulaho kha shango. Ndi wa vhusweleli ho kalulaho khavho. Fhedzi, elelwani, musi Mudzimu o lugisa mushasha wa u thoma wa vhathu, O vha khwañthisa n̄ga Ipfi ḥawé. U a ita tshifhinga tshothe. Fhedzi, namusi, mishashani yavho, a vha zwi iti. Itshe ndi tshone tshi itisaho uri ni si pfe zwinzhi nga maanda nga ha Mudzimu. Zwino, ndi tenda uri—uri mushasha . . .

⁵⁹ Vhunga Mushe, ndila ye A ḥangana na Mushe sogani. Mushe o vha e na mushasha ngei nn̄da he a vha a tshi khou kanzwa nngu dla makhulu-tshinna wáwe, Yetero, ngei murahu ha phanga. Huno liñwe duvha, kha yuu mulisa o aluwaho wa miñwaha ya fumalo, a vthona Tshedza, Khavhu ya Mulilo tshiñkani, tshi dugaho. Huno a ḥangana na Mudzimu; munna we a vha a tshi khou shavha Mudzimu.

Duvha li tevhelaho. Nga tshiñwe tshifhinga u ḥangana na Mudzimu hu ni ita uri ni ite zwithu nga ndila i si ya misi. Mushe o vha e si wa misi nga maanda, ḫuvha li tevhelaho. O vha e na mufumakadzi wawe o dzula thungo nthihi ya meila, e na lushie khunduni dzawe; huno ndebvu ndapfu dzawe dzo tsela fhasi, e na lubada lwo kombamaho tshanđani tshawe, a tshi khou tsela Egipita, u yo langa lushaka. Zwino, ilo lo vha li bono li seisaho!

“Naa ni khou yafhi, Mushe?”

“Ndi khou ya Egipita.”

“U itani?”

⁶⁰ “U li langa!” O ḥangana na Mudzimu. Mudio wa munna muthihi. Wo vhonala u tshi kanukisa lu ofhisaho. Fhedzi, tshi re hone ho vha hu uri, o zwi ita, ngauri o ḥangana na Mudzimu. U tou fana na muthu muthihi a tshi khou yo langa Rashia; ndi zwenezwo fhedzi zwine na ḫoda, muthu muthihi kha lufuno lwa Mudzimu. Mushe o vha e kha lufuno lwa Mudzimu. Huno lubada lwo kombamaho lwe a vha e nalwo tshanđani tshawe, hu si banga; lubađa. Zwithu zwi si zwa misi, Mudzimu u a ita.

⁶¹ Fhedzi, elelwani, Mushe o do tea u bva mushashani we a vha a tshi khou dzula khawo, u ita izwi, ngauri o vha e henengei fhasi na mmbi yođhe huno a kundelwa u zwi ita. Nga mmbi dzođhe dza Egipita, o kundelwa u zwi ita. Fhedzi linwe ḫuvha Mudzimu a mu rambela mushashani Wawe.

A ri, “Naa U nnyi?”

⁶² A ri, “NDI NNE A RE HONE.” Hu si, “Ndo vha, kana ndi do vha.” Likhathi la zwino, “A RE HONE! Ndi nne Mudzimu wa Abrahamu, Isaka, na wa Yakobo. Ndo pfa tshililo tsha vhathu, huno Ndi elelwa pfulufhedziso Yanga, huno itshi ndi tshifhinga tsha uri izwi zwi khunyelele. Ndi khou u rumela fhasi, Mushe, na ulu lubađa lu re tshanđani tshawe.”

⁶³ Naa ho vha hu mini? Ene, zwino, vhathu vho elekanya uri o vha a tshi penga. Fhedzi o itani? O bva mushashani wa ene muñe. Farao o mu funza miñwaha ya fuiña mushashani wa tshikolo, huno a kundelwa. Huno zwo dzhia Mudzimu miñwe miñwaha ya fuiña u zwi bvisa khae. Pfunzo yawe yođhe na theolodzhi yawe yođhe ye a funzwa, zwo dzhia miñwaha ya fuiña u zwi bvisa khae. Huno zwenezwo Mudzimu a mu shumisa miñwaha ya fuiña.

⁶⁴ Mudzimu u na tshifhinga tshi ofhisaho a tshi khou lugisa munna Wawe. Fhedzi, ni a vhona, na kathihi Ho ngo kona u wana Mush-... u fara Mushe, u swika Mushe a tshi bva kha mushasha wa ene muñe wo itwaho nga muthu, nga ndila ya mmbi ya u zwi ita, na ndila ya mvelo ya u zwi ita, u ya kha ndila ya nga n̄tha ha mupo ya u zwi ita. Zwenezwo, musi a tshi dzhena mushashani uyo, Mudzimu o kona u mu shumisa.

⁶⁵ Zwino, ri a wanulusa uri sogani ili... Ri dzhiela nzhele musi vho dzhia nahone vho no dzhia vhuimo havho, huno vha bva kha la Egipita, vha dzhena mushashani wa Mudzimu; vha bva mushashani wa vhotshifhe na vhotshifhe vha tshi khou ri, "Direngiseni sa dziphuli, kha tshifhinga tshothe tsho salaho." Musi Mushe muporofita o tsela fhasi huno a khwathisedza uri Ipfi la Mudzimu lo sendela, uri Mudzimu We a ita pfulufhedziso o vha e hone u phulusa vhathu; vha pfuluwa mushashani we vha vha vhe khawo, vha dzhena mushashani wa Ipfi la Mudzimu lo fulufhedziswaho la awara. Vho tenda uyo muporofita, ngauri tshiga tsha khwathisedzo tsho vha tshi tshi khou sumbedza uri ho vha hu Ipfi la Mudzimu kokotolo. Huno zwithu zwe a sumbedza uri zwe vha zwi zwone, na Khavhu ya Mulilo i tshi khou mu tevhela, zwe sumbedza uri ho vha hu Ipfi la Mudzimu.

⁶⁶ Zwino, mushashani uyu, madembe, zwiga, na zwimangadzo zwe vha zwi kha uyu mushasha.

Vho vha pfulusela nnda ngomu sogani. Vha tutshela mushasha wa mvelo wavho. Vha tutshela mushasha wa thophe. Vha tutshela mushasha wo itwaho nga tanga na tshidina, u dzula dzidenndeni nnda sogani, he ha vha hu si na thoro kana tshiinwe tshithu-vho. Nga tshiinwe tshifhinga Mudzimu u ri humbelu u ita zwithu zwa vhutsilu, kha kuelekanye kwa rine vhane. Huno arali na vhuya na tutshela mushasha wa muhumbulo wa inwi munę, afho ndi hone fhethu hune na do wana Mudzimu.

⁶⁷ Dzhielani nzhele, musi vha tshi bva vha dzhena sogani, ho vha hu na madembe, zwiga, musi vha tshi pfulutshela ngomu mushashani uyu. Zwino elelwani, vho tutshela mushasha wa Egipita huno vha bva vha dzhena ngomu sogani li re na mushasha wa Mudzimu. Naa ni zwi divha hani uri wo vha u won? Mudzimu o ri, "Vhathu vha hanu vha do dziilela lwa miñwaha ya madana mana, fhedzi Ndi do vha bvisa nga tshanda tsha maanda, nahone Ndi do vha nea ili shango hafha." Huno vho vha vhe ndilani yavho, nga Tshedza tsho khwathisedzwaho, muporofita o khwathisedzwaho, e na zwiga, zwimangadzo, zwa uri Mudzimu o vha e mushashani, huno vhone vho vha vhe ndilani yavho. Vho vha vhe na Khavhu ya Mulilo. Vho vha vhe na muporofita. Vho vha vhe na mana. Vho vha vhe na madi a tshilaho. Amene! Vho vha vho tshintsha, vho tshintsha mafhethu a mushasha. Vho do tea u zwi ita. Vho kundelwa u vhone izwo zwithu kha la Egipita. Vho do tea u tshintsha mafhethu a mushasha, u itela u vhone zwa nthha ha mupo.

⁶⁸ Ngauralo na vhathu vha lino duvha vha tea u tshintsha mushasha u bvaho kha dzidinomineisheni dzi no ri, "Maduvha a madembe o fhira. A hu na tshithu tshi no nga ndovhedzo ya Muya Mukhethwa. Huno aya Mañwalo othe o khakhea; huno a

shumela tshiñwe tshikhathi.” Ni ño tea u tshintsha mafhethu anú a mushasha, na ya nnða ha uyo mushasha, kha hune zwithu zweþhe zwa konadzea.

⁶⁹ Vhone vhothe vho vha vha tshi khou khwáthisedza Vhuhone Hawe mushashani. Zwino dzhielani nzhele-ha, vhone, vho vha vho ita mushasha wo itwaho nga muthu wa maitele na ndaela, nga murahu ha musi Mushe o no fa. Huno Mudzimu o shuma na vhathu lwa miñwaha minzhi. Mudzimu haho mushashani Wawe, ha tsha vha hone, mushashani wavho, ngauri vho ðiitela mushasha, mushasha we vha ðiitela.

⁷⁰ Elelwani, musi vha tshi vhidzwa uri vha bve kha la Egipita, Mudzimu o vha ðisedza muporofita, o vha ðisedza ngwana ya tshiþhavhelo, o vha ðisedza zweþhe zve vha zwi toda; ipfi, tshiga, ðembe, muporofita wa u vha ranga phanda, tshipfumelo tsha u vha londa, Khavhu ya Mulilo ya u vha ranga phanda. Huno musi vho bva vha dzhena sogani, vho vha vha tshi kha ði vha vha songo fusheaho. Vho ðoda tshiñwe tshithu tshe vha vha tshi nga kona u tshi ita, vhone vhañe. Tshilidzi tsho ðisedza hezwo; zwino vha ðoda tshiñwe tshithu tshine vha nga ita, vhone vhañe, uri vha kone u ðiitela dzangano, huno vha þata khani huno vha lwa nahone vha halifha, ndi nnyi we a vha a tshi khou yo vha tshifhe muhulu, nahone ndi nnyi a no do vha *itsi*, *itsho*, kana *tshiñwe*. Linwe ðuvha, Mudzimu a ri, “Mushe, ðifhandekanye navho,” huno A tou vha mila nga ñwambo wa muvhango wa Kora.

⁷¹ Zwino dzhielani nzhele, izwi zwiga zweþhe na zwimangadzo zwo khwáthisedza Vhuhone Hawe.

Zwenezwo a ita...munna a ðiitela mushasha, mushasha wa ndaela na maitele, hu si mushasha wa Mudzimu wa Ipfi Lawe. Mushasha wa vhone vhañe! O ño tea u vha þutshela, ngauri Ndi ene Ipfi. A nga si kone u dzula hune vhathu vha funzwa zwi re nnða ha Ipfi ili. Mudzimu a nga si dzule mushashani uyo. A nga si kone. Ho ngo ita na kathihi. U fanela u dzula kokotolo hune Ipfi Lawe la vha hone.

⁷² Musi A tshi tea u þutshela uyo mushasha, zwenezwo, wa iyo gennge yothe ya vhathu vhe A vha bvisa kha la Egipita, O dzula fhedzi vhukati ha vhaporofita Vhawe, kha vhe Ipfi Lawe la ða. Ipfi lo dela muporofita, u khwáthisedza awara. O dzula vhukati ha vhaporofita, huno a dzumbululela vhaporofita. Ndila ye vha sema, vhathu, nahone vha sema itsho tshithu. Huno Mudzimu a vha funza milayo Yawe na ndila ya vhutshilo. Huno vhathu tshifhinga tshoþhe vho vha vha tshi lwa nazwo, huno vha tovholia muporofita, huno mafhedziseloni vha mu kanda nga matombo, kana vha mu saha a bva zwipiða, huno vha mu sunda.

⁷³ Yesu a ri, “Ndi ufhio wa vhaporofita we vhokhotsi anú vha sa mu vhulahe? Ndi ufhio wavho, wa avho vho lugaho vhe vha

rumelwa khavho?" Huno ha pfi, "Mishumo ya khotsi aṇu ni ḋo ita." O vha a sa khou amba na makomunisi. O vha a tshi khou amba na vhotshifhe, vhathu vha dinomineisheni, Vhafarisei na Musadukei. Ndi dzhia uri ipfi ḽawé ḋo vha li si nga shanduki nga maanda madekwana a ḥamusi, ḋo vha li tshi ḋo tou vhifha zwiṭuku, khamusi, khavho.

⁷⁴ Zwino, ri wanulusa uri nga itsho tshifhinga O dzula vhukati ha vhaporofita Vhawe. O mbo vha mutsinda khavho, ngauri U dzula fhedzi kha Ipfi ḽawé, u Li khwathisedza. Bivhili yo amba uri U sedzesza Ipfi ḽawé, u Li khwathisedza. U khou lingedza u wana muṇwe.

Arali A tshi nga tou wana munna wa mbilu ya hafu, vhunga Simisoni. Simisoni o kumedza nungo dzawe kha Mudzimu, fhedzi a ḥekedza mbilu yawe kha Delila. Iyo ndi ndila ine zwifhinga zwinzhi ra ita, ḥamusi, u tou ḥekedza tshiñwe tshithu kha Mudzimu, fhedzi hu si zweṭhe. Fhedzi, Mudzimu u ḥoda zweṭhe, zwashu.

⁷⁵ Vhunga pholisi ya ndindakhombo, musi ni tshi wana pholisi ya ndindakhombo, ni nga di wana zwanu khavara yo dalaho. Huno izwo ndi zwine uvhu vhuṭanzi ho khwathaho ho fhaṭutshedzwaho ha ri itela zwone. Ndi pholisi ya khavara-yo-dalaho. I khavara zweṭhe zwine ra zwi ḥoda fhano kha uvhu vhutshilo, na mvuwo yashu, na Vhutshilo Vhu Sa Fheli. I katela tshiñwe na tshiñwe.

⁷⁶ Dzhielani nzhele, Mudzimu o dzula nn̄da ha mushasha wavho tshifhingani itsho lwa miñwaha ya mađana maṇa. Ndi ngani? O vha a si tshe na muporofita. U bva kha muporofita Maleaxi, u swika kha muporofita Yohane, miñwaha ya mađana maṇa, a hu na na u mona huthihi ha linga he Israele a ita. Mudzimu o vha e nn̄da ha mushasha. Vho Mu bvisela nn̄da, nga ndaela dzavho na tseḍa yavho, na phambano yavho kha Ipfi. Miñwaha ya mađana maṇa hu si na Ipfi! U bva kha muporofita muñwe u ya kha muñwe, O enda, u swika muporofita wa u fhedza e Maleaxi, huno zwenezwo ho vha hu si na muñwe muporofita lwa miñwaha ya mađana maṇa.

⁷⁷ Huno zwenezwo Mudzimu a da vhuponi hafhu. Liñwe ḫuvha A tshimbila vhukati havho hafhu, fhedzi maitele avho o dzhia nga maanda fhethu Hawe vhukati havho, O vha e mutsinda khavho. Maitele a vhokhotsi, o vha e na u tanzwa dzipani, na-na ndila ya u gama mavhudzi avho, huno vha ambara dziñwe gunubu kha badzhi dzavho, na nguvho dza vhukuma dza vhotshifhe—vhotshifhe vhavho; huno—huno muñwe ndi Mufarisei a fulufhedzeaho, huno muñwe ndi Musadukei. Huno izwo two dzhia fhethu ha Ipfi vhukati ha avho vhanna, u swika, musi Mudzimu a tshi vha dalela, E muthu asili.

⁷⁸ Ngavhe ndi tshi amba izwi nga lufuno na dzithompho, fhedzi u itela uri zwi pfale. Ndi zwenezwo zwithihi ɿamusi. A two ngo shanduka na zwitukutuku. Musi A tshi da vhukati ha vhathu, nga maanda Awe na u vhonadzwa, u sumbedza uri Ipfi Lawe a li shanduki mulovha, ɿamusi, na lini na lini, ngauri Ndi ene Ipfi, vhathu vha ri, “Mudzia-u-bvumba, Belesebulu, ene Yesu fhedzi, kana—kana tshiñwe tshithu tsha u ralo.” Vhanwe vha ni khethekanyela huñwe fhethu, fhedzi zwi tea u vha nga iyo ndila.

Ni a vhona, a ro ngo vha na muporofita zwino lwa miñwaha ine kañukuñuku ya ɿodou swika zwigidi zwivhili. Vhannda a vho ngo wana muñwe, ni a ñivha; o fulufhedziswaho magumoni. Zwino, ri a zwi ñivha izwo, nga Luñwalo. Ri a zwi ñivha izwo, na zwone, nga ñivhazwakale uri uyu o fulufhedziswaho riñe.

⁷⁹ Zwino, nga murahu ha miñwaha ya mañana maña, Mudzimu o tshimbila heneñho vhukati havho ɿiñwe ñuvha. U ya nga Luñwalo, O vha a tshi khou yo itwa ɿama huno a dzula vhukati havho. “Dzina Lawe li do vhidzwa Mueletshedzi, Mukololo wa Mulalo, Mudzimu wa Mañanda, Khotsi wa Lini Na Lini.”

Huno musi O da vhukati ha vhathu, vho ri, “Ri nga si vhe na uyu Munna uri a ri vhuse! Naa—naa O hwala garata-de ya vhuñama? Naa ndi dinomineisheni-de yo Mu rumaho?” O vha a si na tshumisano. Tshivhidzo tshiñwe na tshiñwe tshe A ya khatsho, vho Mu posela nn̄da. A vho ngo vha na mushumo Nae, ngauri O vha e si muñwe wávho.

Huno sa zwe zwa vha zwi zwone, two ralo na zwino! Bivhili yo ri tshivhidzo tsha Laodikea tshi do Mu vhea nn̄da, huno O vha a tshi khou ombo-omba, a tshi khou lingedza u dzhena. Hu na tshiñwe tsho khakheaho huñwe fhethu.

⁸⁰ Zwino, ndi ngani? Vho ita mushasha wa vhone vhane. Vhone, arali vho vha vho ñivha Ipfi, vho vha vha tshi do vha vho ñivha uri O vha e Nnyi. Yesu o ri, “Arali inwi... Phendani Mañwalo, ngauri Khao ni elekanya uri ni na Vhutshilo Vhu Sa Fheli. Ndi one a ni vhudza uri Ndi Nnyi!” Izwo ndi zwe Luñwalo lwa amba. Zwino, “A ɿanziela nga ha Nñe. Huno arali Ndi sa iti mishumo ye ya fulufhedziswaho uri Nñe ndi do ita, arali Ndi sa iti mishumo ye Khotsi Anga, Ipfi... ‘U rangani Ipfi o vha e hone, huno Ipfi o vha e na Mudzimu, huno Ipfi o vha e Mudzimu. Huno Ipfi a itwa ɿama huno a dzula vhukati hashu.’ Zwino, arali Ndi uyo Muthu, fhendani Mañwalo huno ni vhone zwine Nda tea u ita. Huno arali Ndi si na ndalukanyo; arali mishumo Yanga, mishumo ine Ipfi la ɿanziela, Khotsi u a Nɿanziela, arali i sa khwañhisedi uri Ndi Nnyi, zwenezwo Ndi a khakha.” Izwo ndi zwone. “Arali ni sa koni u Ntenda, tendani Ipfi,” A ri, “mishumo ine Ipfi la bveledza.”

⁸¹ Ni a vhona, O vha e mutsinda vhukati havho. A vho ngo Mu ñivha. “A ri nga vhi na mushumo na uyu Muthu, Muthu a

sa pfecteswiho we a bebwa ngei fhasi tshitaleni huńwe fhethu.” Huno vho tenda uri mme Awe vho vha na ulu Lushie ulwo Lu sa athu bebwa, kana Lu sa athu... o vha na ulu Lushie zwi tshi bva kha mbebo ya vhudzondolo, kha ndi ralo. Huno zwenezwo, vhone, uri Lushie lu sa athu bebwa, o ya huno a mala Yosefa; huno o ita izwo u tou itela uri a thuthe vhadzi litswu li re khae, mvumbo yawe. “Huno U vha lushaka lu sa pfecteswiho lwa Muthu, ngauri O vha e ńwana o bebwaho nga vhudzondolo, huno uvho ndi hone ho itisaho uri A vhe hone.”

Huno musi A tshi bva, naa O itani? O kherukanya ndaela dzavho, a thenula ̄afula dzavho, a vha rwa vha bva afho fhethu, huno ha pfi, “Zwo ńwaliwa!” Amene! Izwo zwi tea u amba uri O vha e Nnyi. “Zwo ńwaliwa!”

⁸² Zwo ralo, vho vha vha si nga vhi na mushumo na Muthu a no nga uyo. Fhedzi fhasi-fhasi vhudzivhani ha mbilu dzavho, vho zwi ̄ivha uri O vha e Nnyi, ngauri Nikodemo o zwi amba zwi khagala. “Rabi, rińe, Vhafarisei, ri a zwi ̄ivha uri u mudededzi a bvaho ha Mudzimu, ngauri a hu na munna we a kona u ita zwithu zwine wa ita nn̄dani ha musi Mudzimu e nae.” Ndi ngani vha songo Mu bula tshifhingani itsho? Ndi ngauri mushasha wavho wo ita mukano wawo. Wo vha u si nga Mu tendeli u dzhena mushashani. Wo vha u si nga tendeli nnyi na nnyi u bva a ya Khae. Vho vha vhe na mushasha wa vhone vhańe. U da vhusiku, musi khoro yo vha yo valwa zwa vhukuma. Fhedzi o wana uri o vha a tshi nga kona, a ḥangana Nae, nga inwe ndila.

⁸³ Ee, zwi a fana na zwino! Vhone vho... O vha mutsinda, muthu asili. A vha Li pfectesi. “Ndi ngani *itshi* tshi tshi vha nga u ralo, nahone ndi ngani *itsho* tshi tshi vha nga u ralo?” Ngeno, Ipfi Lone ̄ine li tshi ḥanziela uri izwi ndi zwone kokotolo zwine zwa tea u itwa kha ̄ino ̄uvha. Nga ndila ye a zwi amba nga u dodomedza, hafhu na hafhu, fhedzi ndi Ngoho.

⁸⁴ O vha, khavho mushashani wavho, “Wa vhusweleli ho kalulaho, mukwashi wa maitele avho, muthenuli wa zwivhidzo zwavho, zwa vhukuma a tshi tou vha mudzia-u-bvumba, mudavhidzani na vhafu a vhidzwaho ‘Belesebulu.’ Izwo ndi zwe A vha e zwone.”

Huno ndi a tenda, arali A da vhukati hashu namusi, O vha a tshi do vha zwenezwo zwithihi, kha rińe. Ngauri, ri na maitele, ri na dinomineisheni, a ri koni na u konana. Ndi ngani? Hu na fhethu huthihi fhedzi hune muthu a nga konana naho, afho ndi, fhasi ha Malofha o shuluwaho. Huno Malofha o shuluwa, sa kutshili kwa vhutshilo, u medza iyi Mbeu, Ipfi. Nnda ha afho, zwithivheli zwa dinomineisheni dzashu zwi do dzulela u thudzela vhathu kule.

⁸⁵ Fhedzi O vha a tshi do vha mutsinda ḥamusi. O vha a tshi do vhidzwa zwenezwo zwithihi. O vha a tshi do itelwa, O vha

a tshi do bviswa mushashani. Huno no zwi ḋivha... Bivhili yeneyo nthihi ye ya ri U do landulwa nga muthu, "ene Munna wa maṭungu, o ḋowelaho vhuṭungu," huno vho landula, "huno ro Mu tama e o rwiwaho nahone o thuphiwaho nga Mudzimu," lwonolwo Luṇwalo lwo ambaho hezwo. Onoyo muporofita we a imba, "Mudzimu Wanga, Mudzimu Wanga, ndi ngani Wo N̄utshela? Marambo anga, othe a zwondolola N̄ne. Vho runga zwanda Zwanga na milenzhe Yanga." Musi vho vha vha tshi khou imba ulwo luimbo tshivhidzoni; Tshithavhelo tshavho, Mudzimu we vha elekanya uri vho vha vha tshi khou mu shumela, vho vha vha tshi khou mu vhamba.

Zwo tou ralo ḋamusi, onoyo Mudzimu!

⁸⁶ Sedzani zwe muporofita a amba, Amosi, musi a tshi dzhena ngomu Samaria. Huno maṭo maṭuku awe a sekena musi a tshi da afho huno a vhona uyo muḍi wa zwivhi, vhasadzi vho lala tshiṭaraṭani, na munna, Amerika la musalauno. Musi a tshi sedza khalo, maṭo awe a sekena. Huno ho ngo vha na muthu wa u mu lambedza. O vha a si na garaṭa ya vhuṭama. Mudzimu o mu ruma. Naa vhatu vho vha vha tshi do pfa Mulaedza wawe? Hai, vho vha vha si nga mu pfi. Fhedzi o porofita, huno a ri, "Mudzimu onoyo ane na fhima u mu shumela u do ni tshinyadza."

Huno ndi a amba, nga Dzina la Yesu Kristo: Onoyo Mudzimu ane ulu lushaka lwa fhima u vha, lushaka lwa vhurereli, onoyo Mudzimu ane vha fhima u mu shumela u do vha tshinyadza vhuṭshinyini havho. U do tshinyadza dinomineisheni iñwe na iñwe kha tshifhaṭuwo tsha liphasi, ane vha fhima u mu shumela.

⁸⁷ Ngauralo, dzhielani nzhele, O vha kaidza, huno vha Mu bvisela nn̄da ha mushasha wavho. "Yesu o tambula nga nn̄da ha mushasha." Vho Mu bvisela nn̄da ha mushasha, nn̄da, kule nn̄da ha mushasha wavho.

⁸⁸ Ri wanulusa uri Bivhili yo amba, kha lino ḋuvha la u fhedzisela fhasi ha itshi Tshikhathi tsha Laodiķea, vha do ita zwenezwo zwithihi. Vha do bviselwa nn̄da ha mushasha.

Zwino sedzani zwine A amba u ita zwino, u valani.

"O bviselwa nn̄da ha mushasha," he zwithavhelo zwa fhiswa. Afho ndi hone he A vha e wa hone. O vha e Tshithavhelo.

⁸⁹ Zwino, mukomana, khaladzi, naa ni a zwi ḋivha uri muñwe na muñwe wa vhoiñwi nothe u fanela u ita tshithavhelo; ni fanela u vha tshithavhelo tsha Mudzimu; na ita tshithavhelo zwithu zwa shango; na ita tshithavhelo madakalo a inwi muñe a lino shango; na ita tshithavhelo zwithu zwa shango? Ni a ḋivha tshi itisaho uri vhatu vha si zwi ite?

⁹⁰ Ni a ḋivha, nngu, nngu a i na tshine i nga nekedza nga nn̄da ha tshithihi, huno itsho ndi wuļu. Huno, zwino, a i khou humbelwa u bveledza kana u maga iñwe wuļu u itela uno ñwaha. I humbelwa u bvele-... u anwa wuļu.

A ri humbelwi u maga tshiñwe tshithu. Ri humbelwa u aña wa mutshelo wa Muya. Uho ndi, nga ngomu ha nngu, zwine ya vha zwone nga ngomu, zwi ita wulu nga nn̄da. Huno musi munna e na Kristo nga ngomu, zwi mu ita uri a nge Kristo nga nn̄da, hu si tshiambaro tsha u edza.

⁹¹ Zwo ralo, ri wana uri musi izwo zwi tshi itea, musi Kristo a tshi vhuya, U fariwa hani? Zwo tou kokotolo vhunga u rangani. Zwo vha nga u ralo tshifhinga tshothe.

⁹² Ngauralo, O vha kaidza nga u ralo, uri vho vha bvisela nn̄da ha mushasha Wawe, huno vha Mu ita muitazwivhi. Zwine, "O vha tshivhi u itela riñe."

⁹³ Zwino, nga murahu ha miñwaha ya madana, ee, kañukuñku miñwaha ya zwigidi zwivhili, O dalela mushasha wavho hafhu, u ya nga Ipfi lo fulufhedziswaho Lawe uri U do ita nga ñuvha ja u fhedzisela. O dalela mushasha hafhu. O dalela mushasha, u vhonadza ili Ipfi ñamusi.

U tou fana na musi O dala ngei murahu nga ilo ñuvha, huno A ita nga ñuvha ja Mushe. Uyo o vha e si Mushe a no khou ita izwo; Mushe o vha e munna. Ho vha hu Kristo.

⁹⁴ Sedzani Yosefa, vhutshilo; o funwaho nga khotsi, o vhengiwa nga vhakomana vhawé, nge a vha e muvhoni. Huno vho mu vhenga, hu si na tshivhangi. Itsho tsho vha tshi tshone tshivhangi fhedzi tshe vha vha tshi nga mu vhengela tshone.

Tshifanyiso tsho fhelelaho tsha ñamusi, kokotolo. Tshivhidzo, hafhu, vha vhenga tshithu tsha vhukuma.

Huno ri wanulusa uri o rengiswa nga masetha a todaho u swika furaru, a tshi dzhiwa uri o fa. A dzhiwa nahone a vhewa nduni ya dzhele; vhunga Yesu kha tshifhambano. Munna muthihi a xela, huno munna muthihi a tshidzwa; huno a dzhiwa heneffo a iswa kha tshanda tshaula tsha Farao. Ndi kokotolo ndila ye Yesu a itwa.

⁹⁵ Ho vha hu Dafita, huno a ya zwiñarañani, a tshi khou lila, khosi yo landulwaho; huno a dzula nthia ha thavha, a tswimilela Yerusalem. Uyo o vha a si Dafita. Murwa wa Dafita, miñwaha ya ñana i si gathi nga murahu ha hezwo, a dzula kha muvhundu wonoyo muthihi huno a tswimila ngauri O vha e Khosi yo landulwaho vhukati ha vhatu Vha Ene muñe. Ndi Kristo, tshifhinga tshothe.

Huno, ñamusi, musi hu tshi porofitwa uri Kristo u fanelu u dzhena ngomu mushashani, ni a ñivha zwe zwa bvelela? Zwi do tou fana kokotolo vhunga zwe zwa vha zwi zwone tshifhingani itsho. Zwi tea u vha nga iyo ndila, u khunyeledza zwine Ipfi afha ja fulufhedzisa uri U do ita.

⁹⁶ Zwino elelwani, Kristo o vha e kha tshikhathi tsha Noaxe. Uyo o vha e Kristo, "Yesu Kristo a sa shanduki mulovha, ñamusi, na lini na lini," Ipfi lo landulwaho ja awara.

⁹⁷ Dzhielani nzhele, na vhuporofita Hawe ha Nzumbululo 3, vhu wanalaho, musi A tshi da nga lino ḋuvha la u fhedzisela, sa izwi O porofita uri U do da nga lino ḋuvha la u fhedzisela. Huno O wana tshivhidzo ngei Laodikea tshi hani? “Tsho pfuma, tshi sa ḥodi tshithu.” “Huno tsho dzula sa khosikadzi huno tshi nga si vhone matungu.” “Huno tsha Mu vhea nn̄da ha tshivhidzo,” tshi si na mushumo Nae. A ya ngei nn̄da ha mushasha hafhu. Fhedzi zwenezwo a tsho ngo zwi ḋivha uri tsho vha tshi fhedzi, bofu, na u ṭungufhadza; huno a tsho ngo zwi ḋivha.

⁹⁸ Hafhu, arali A da hafhu nga ndila yeneyo nthihi sa zwe A vha e zwone tshifhingani itsho, O vha a tshi do kaidza musadzi muñwe na muñwe o ambaraho dzishothi. O vha a tshi do vha o kaidza musadzi muñwe na muñwe o fhungudzelaho māvhudzi, tshifhaṭuwo tshihwe na tshihwe tsho penndwaho, munna muñwe na muñwe we a vha a tshi do vha muñuku lwo edanaho u tendela mufumakadzi wawe u ita hezwo. O vha a tshi do di ralo. Zwenezwo O vha a tshi do kherukanya dinomineisheni iñwe na iñwe ye ya vha i hone, huno a kwasha ndaela iñwe na iñwe ye ra vha ri nayo. Ni a tenda uri O vha a tshi do zwi ita? [Tshivhidzo tshi ri, “Amene!”—Mudz.] O vha a tshi ḥo ralo nga ngoho. Izwo ndi zwone.

⁹⁹ Naa vho vha vha tshi do itani Ngae? Vha Mu bvisela nn̄da ha mushasha. Vhone nga ngoho vho vha vha si nga shumisani Nae. Hai, muñe wanga!

¹⁰⁰ Zwino ri a Mu wana hafhu, nga lino ḋuvha, vhunga Bivhili yo amba uri U do ralo, u bviselwa nn̄da ha mushasha. Ngauri U dzula e a sa shanduki, Ipfi, a sa shanduki mulovha, ḥamusi, na lini na lini.

¹⁰¹ Vhone—vhone a vha Mu ḥodi. Vho Mu landula hafhu, na khoro yavho. Vha ḥo ḥoda, ḥamusi, vhunga vho ita tshifhingani itsho musi O vha e tsengoni. Huno ḥamusi, musi Ipfi li kha tsengo, naa ho bvelelani? Vho landula hafhu vhunga vho ita tshifhingani itsho, huno vha tanganedza ene Baraba, muvhulahi, vhudzuloni ha Kristo. Khoro yo vha i tshi do ita zwenezwo zwithihi. Huno, ḥamusi, ngauri vho landula Ipfi na khwāthisedzo yo fhelelaho ya awara, vho fheṭa huno vha ḥoda Baraba, Khoro ya Dzigereke dza Ḳifhasi, muvhulai wa Ipfi. [Tshikhala kha theiphi—Mudz.]

¹⁰² Vha hana Ipfi Lawe, vha hana ndovhedzo Yawe, vha hana Maanda Awe, vha hana zwiga Zwawe. Huno nga ndaela kana maitele hafhu, a u ambara kholoro dzo moniswaho, na tshihwe na tshihwe, vha tshi ḫitela dzindaela, na zwinwe-vho, vha khou lingeda u ralo, nga mishumo yavhudzi. Vho vha vha songo telwa kha Vhutshilo, tsha u tou thoma. Vho vha vha si na tsha u tenda ngatsho.

“Ane a Nndivha, u ḋivha Khotsi Anga. Huno vhunga Khotsi o Nthuma, ngauralo Ndi a ni ruma.” Mudzimu we

a ruma Yesu o dzhena kha Yesu. Huno Yesu a no ni ruma u dzhena kha inwi. “Ane a tenda kha Nne, mishumo ine Nda ita na ene u do ita. Iyani shangoni lothe, huno ni rere Mafhungo-madifha kha tshivhumbwa tshiñwe na tshiñwe,” tshitswu, tsha tshirulwane, tshitshena, tsha muronzhe, tshiñwe na tshiñwe tshine tshi nga vha thone. “Izwi zwiga zwi do tevhela avho vhane vha tenda.” U swika ngafhi? “Shangoni lothe, na kha tshivhumbwa tshiñwe na tshiñwe.”

¹⁰³ Mushumeli mułuku wa Baphuthisi, zwi si zwa kale-kale ngei Tucson, o da kha nne, ha pfi, “Mukomana Branham, vhuleme hañu ngovhu. Ni khou lingedza u ita itsi tshikhathi tsha vhuapostola.” A ri, “A hu na tshithu tshi no nga tshikhathi tsha vhuapostola ñamusi. Tshikhathi tsha vhuapostola tsho fhira.”

¹⁰⁴ Nda ri, “Tsho ralo? A tho ngo zwi ñivha.”

Zwenezwo a ri, “Zwo luga, tsho ralo.”

Nda ri, “Ni na ngoho?”

A ri, “Ngoho. Ndi na ngoho,” a amba.

“Zwo luga,” nda ri, “ni elekanya hani uri tsho fhela?”

Ha pfi, “Itsho tsho vha tshi tsha vhaapostola.”

¹⁰⁵ Nda ri, “Petro o amba, nga Duvha la Pentekoste. Naa ni a tenda Ipfi lawe?”

“Ee, muñe wanga.”

¹⁰⁶ “O ri, ‘Shandukani, nothe, huno ni lovhedzwe nga Dzina la Yesu Kristo. Ngauri iyi pfulufhedziso ndi yañu, na vhana vhañu, na vhana vha vhana vhañu, na avho vha re kule, na vhanzhi vhane Murena Mudzimu washu a do vha vhidza.’”

¹⁰⁷ Iyi pfulufhedziso i fanaho, ri tea u vhuya khayo! Dokotela Simoni Petro o ñwala ndayamushonga. Bivhili yo ri, “Naa a hu na mushonga ngei Giliada? Naa a hu na ñanga henengei?”

Zwo luga, ni a ñivha, arali na dzhia ndayamushonga ya dokotela. Musi a tshi wana vhulwadze vhu re muvhilini wañu, huno a ñwala ndayamushonga; ndi khwine ni tshi i dadza, wanani muñwe famasi wa vhukuma a no do i dadza nga ndila ye ya ñwaliwa ngayo. Ngauri, u tea u shelà mulimo mungafha, na tshivhulahamulimo tshingafha, mungafha une sisteme yañu ya do u dzhia. Ni a vhona, ene... Zwo no di lingululwa na u sumbedzwa, huno ni fanela u dzhia iyo ndayamushonga. Arali ni sa khou ralo, ni wana muñwe mula-ñanga a no do ita vhutambetambe na hezwo, ane a sa ñivhe ndila ya u elà uyo mushonga nga ndila yone, u do ni vhulaha. Huno arali a tshi shelà u shaya nungo hó kalulaho ngomu, u nga si ni fare zwavhuđi.

¹⁰⁸ Huno iyo ndi yone thaidzo kha vhunzhi ha vhoinwi madokotela. Ni khou ita vhutambetambe na iyo ndayamushonga!

Petro o amba, “Ndi do ni nea ndayamushonga ya lini na lini, u itela inwi, na vhana vhanu, na avho vha re kule, na vhanzhi vhane Murena Mudzimu washu a do vha vhidza.” Hu si, “Idani huno ni vhe murađo.” Fhedzi, “Šhandukani, nothe, huno ni lovhedzwe nga Dzina ja Yesu Kristo u itela khangwelo ya zwivhi, huno ni do wana džimvelelo,” amene, “wone Muja Mukhethwa. Ngauri pfulufhedziso, iyi ndayamushonga, ndi yanu, na vhana vhanu.”

Zwino, vhańwe vha vhoiñwi vhala-ńanga, litshani u nwala idzo ndayamushonga dza mafanedza. Ni a vhona? Ni khou vhulaha vhathu vhanu. Uh-huh. Itsho ndi tshone tshi itisaho uri Tshithu tsha vhukuma tshi si swike khavho. Ee.

¹⁰⁹ Inwi ni a divha, kha ndayamushonga iyi i fanaho, ndila ine dokotela a wana mushonga wawe. Tshifhinga tshothe vha dzhia nahone... Vhorasaintsi vha lingedza u anganya tshinwe tshithu, zwenezwo vha tshi ńekedza tshedzi, huno vha vhona arali u tshi tshi vhulaha kana hai.

Huno zwenezwo, ni a divha, mushonga, u na tshikhala tsha u dzhia. Inwi, ni nga di vha na mutakalo, nahone u nga di ni vhulaha, ni a vhona, ngauri vhathu vhothe a vha ngi dzitshedzi, khamusi.

Ngauralo, fhedzi hu na tshithu tshithihi nga ha iyi ndayamushonga, ndi ya vhothe.

¹¹⁰ Huno, zwenezwo, dokotela muńwe na muńwe wa vhukuma wavhuđi ane a sa do... u na lutendo luhulu kha mushonga wa ene muńe, a nga si vhudzise muńwe muthu-vho. Vhańwe vhavho vha ofha lwo edanaho u wana tshivhotshwa tshi na tshifhinga tsha vhutshilo, huno zwenezwo vha mu vhofholola arali a tshila, i ri ni a dzhie ndayamushonga.

¹¹¹ Fhedzi, kha fhano fhethu, ro vha na Dokotela wa vhukuma. U a da, a dzhia ndayamushonga, Ene muńe. Ni a vhona? “A RE HONE.” Hu si, “Ndi do vha.” “Ndi nne mvuwo na Vhutshilo,” u ralo Mudzimu. “A no tenda kha Nne, naho o fa, naho zwe ralo u do tshila. Huno ane a tshila huno a tenda kha Nne a nga si fe na kathihi.” Martha a ri... A ri, “Naa u a tenda izwi?”

¹¹² A ri, “Ee, Murena, ndi a tenda uri Iwe u Kristo we a vha a tshi tea u da shangoni. A hu londwi uri vhańwe vhothe vha U vhidza zwingafhani, ndo no zwi vhona!”

¹¹³ Ngei Khalivari, O dzhia dzhekiseni, Ene muńe. Huno nga matsheloni a Mvuwo, lufu a lwo ngo kona u Mu fara. “Ndi nne mvuwo na Vhutshilo.” Vho thavhela lufu ngomu Hawe, fhedzi O vuwa, o kunda lufu, vhudzulavhafu, na tshalo. O dzhia dzhekiseni, Ene muńe.

Huno O rumela mañwe madokotela uri a ñwale ndayamushonga, vhe vha vha na nzumbululo ya uri O vha e Nnyi.

“Naa vhathu vha tshi amba Nñe Murwa-muthu vha ri ndi nnyi?”

¹¹⁴ Petro a ri, “Iwe u Kristo, Murwa wa Mudzimu a tshilaho.”

¹¹⁵ A ri, “Wo fhatshedzwa iwe, Simoni. Wo zwi wana zwino. Ndi ḥekedza khii dza Muvhuso kha iwe. Tshiñwe na tshiñwe tshine wa vhofha kha liphasi, Ndi do tshi vhofha ngei Tađulu. Arali wa vhofholola kha liphasi, Ndi do tshi vhofholola ngei Tađulu.”

¹¹⁶ Huno nga Duvha la Pentekoste, musi vho no vhona izwi zweþe zwi tshi khou bvelela, o ri... Vhone vha ri, “Naa ri nga itaniuri ri wane uyu muhayo?”

¹¹⁷ Hafha o vhala ndayamushonga. A ri, “Zwino ndi khou yo ñwala ndayamushonga. Ndi yanu, na vhana vhañu, na avho vha re kule, na vhanzhi vhane Murena Mudzimu washu a do vhuya a vha vhidza.”

Ni songo ita vhutambetambe na ndayamushonga; ni do fa! Vha i ita i shayaho nungo nga maanda, ḥamus, u swika i si tshithu nga nn̄da ha madi a dinomineisheni, izwo ndi zwone, tshiñwe tshiludi tsha mushonga tshine vha ḥavhela ngomu ha munna o faho uri a fe tshoþe.

Oo, fhedzi, mukomana, hu na ndodzo ya vhukumakuma! Hu na mushonga ngei Giliada. Ndi wa phodzo ya muya. Ni songo sokou ita vhutambetambe na ndayamushonga. Dzhiani ndayamushonga nga ndila ye ya ñwaliwa, huno Mudzimu u a kombetshedzea kha Ipfi Lawe; hu si u kombetshedzea kha ndaela, kana dogima, kana dinomineisheni. U kombetshedzea kha Ipfi Lawe. Tevhelani ndayamushonga, iyo ndi yone theo ya u thoma. Thomani, zwenezwo no tholiwa huno no lugela u ya u shuma.

Dzhielani nzhele, “nga nn̄da ha mushasha.”

¹¹⁸ Vho nanga ene Baraba ḥamus. Musi Mafhungo-madifha o no fhirela murahu na phanda, u mona na shango, zwiga zwiulwane na zwimangadzo two tevhela mvuseledzo, fhedzi, vhudzuloni ha u dzhena na u lingedza u zwi ita, vha khou vha miraðo na Baraba. “Ri sa athu vha na uvhu vhuþafuþafu, na zwiñwe-vho, tshivhidzoni tshashu, ri do vha klasiki vhunga vhañwe vhoþe.” Zwino vha na Roma na vhañwe vhoþe fhethu huthihi, ene Baraba. Dzhielani nzhele, zwenezwo ri kha uyo mushasha muhulwane.

¹¹⁹ Ro rambiwa u ya nn̄da ha uyo mushasha. “Yesu na ene, uri A kone u khethefhadza vhathu nga Malofha A Ene muñe, o tambula nga nn̄da ha khoro. Kha ri ye Khae nn̄da ha khoro,” sedzani, “ro hwala u nyadziwa Hawe.”

¹²⁰ Naa O nyadzelwani? Hu si ngauri O vha e Mumethodisi kana Mubaphuthisi, ndi do ni nea vhutanzi ha hezwo; hu si ngauri O vha e Mufarisei kana Musadukei. Ngauri O vha e Ipfi lo khwathisedzwaho.

¹²¹ “Ro hwala u nyadziwa Hawe,” u itela (mini?) Ipfi lo khwathisedzwaho. Izwo ndi zwone. Izwo ndi zwe A ita. O ri, “Arali Ndi sa iti mishumo ya Khotsi Anga, ni songo Ntenda; arali Ndi si phindulo ya mbudziso dzo^{the} dzwa Maⁿwalo.”

¹²² Yesu wa Testamente Ntswa o vha e Jehovah wa Ndala. Ndi zwone kokotolo! Ndi a tenda, sa izwi ndo vha ndi tshi khou ni vhudza hafha zwino, nga tshiⁱⁿwe tshifhinga tsho fhiraho, kana huⁱⁿwe fhethu mu^{tan}ganon. Hu nga di vha hu songo vha fhano. “Jehovah wa Testamente Ndala ndi Yesu wa Ntswa.” Ni a elelwa yone—yone—yone...

Musi ndo vha ndi tshi khou yo zwima zwisindi nga ayo matsheloni, huno heneffo tsha vha tshi hone, ayo matsinde mararu mahulu a gidimela ngomu ha liⁱⁿwe ngei nn^a, heneffo kha thayha; nne ndo ima heneffo ndo a sedza. Huno nda sendela tsini huno nda bvula mu^ñadzi wanga, nda vhea tshigidi tshanga fhasi, nda swika heneffo n^{tha}. Huno Ipfi la dzinginyisa ma^ñaka, ha pfi, “Yesu wa Testamente Ntswa ndi Jehovah wa Ndala. Dzulani ni tshi fulufhedzea.” Ngauralo heneffo fhasi hu na he zwisindi zwa bvelela, tshifhingani itshe, zwa vha hone ngeno ho vha hu si na na tshithihi heneffo. Ni a vhona? Iyo ndi Ngoho. Ni a vhona? Ndi ngoho. Ngauralo, Mudzimu u a di^ñva, ndo imaho phanda Hawe, ndi Ngoho yazwo. Izwo ndi zwone. Ndi Ngoho.

¹²³ Heneffo fhasi ngei Kentucky; huno hu na vhathu vho dzulaho henehafha madekwana a ^ñamusi, vhe vha vha vhe hone musi zwi tshi bvelela hafhu, zwenezwo zwithihi. Ee. Ri a zwi di^ñva uri ndi Ngoho; Yesu wa Testamente Ndala!

¹²⁴ Vhunga musi vhathu vha Tshaina vha tshi da hangeno lwa u thoma, vho kundelwa u vhala kana u nwala luambo lwashu, fhedzi vho vha vhe vhanna vhahulwane vha londoria. Huno ngauralo vho vha tshi... Inwi no vha ni tshi do tsela fhasi kha londoria ya Tshaina. O tou di^ñanel a zwi^ñwe zwisumbavhuyo zwi vhonadzaho, zwi^ñkuku zwithshena. O kundelwa na u vhala na tshithu tshithihi, huno o zwi di^ñva uri no vha ni tshi do kundelwa u zwi vhala arali o zwi nwala. Ngauralo, musi ni tshi da, o tou dzhia itshe tshipida tshi^ñuku tshitshena tsha bammbiri, tshiⁱⁿwe tshithu tshi re kha iyi nzudzano, kha ri ri, henehafha, huno a tshi kherula nga in^ñwe ndila nga ndila iyo. Zwino, u ni nea tshipida tshithihi tsha bammbiri, huno a fara tshiⁱⁿwe tshipida tsha bammbiri. Huno zwenezwo musi ni tshi vhuyela londoria ya^ñu, a ri, “Kha ndi vhone tshipida tsha^ñu tsha bammbiri.” Huno a zwi wana; arali zwa elana, izwo zwo vha zwi zwone. Inwi no wana murahu zwiambaro zwa^ñu zwa mashika zwo kuna.

¹²⁵ Huno Yesu o elana na vhuporofita vhuñwe na vhuriwe; pulane iñwe na iñwe ya Jehovah wa Testamente Ndala ndi Yesu wa Ntswa. O elana na tshiñwe na tshiñwe.

Kha ndi ambe izwi nga nyofho ya Mudzimu na dzithompho, fhedzi lufuno, fhedzi vhufulufhedzei ha u ñivha he nda ima hone. Mulaedza wa ino awara wo elana na tshiñwe na tshiñwe tshe Bivhili ya amba nga ha iyi awara. Zwino, arali ni na zwiñwe zwiambaro zwa mashika, zwi dzeniseni. Uh-huh. Naa no ḥanzwiwa Malofhani a Ngwana?

¹²⁶ Dzhielani nzhele, “ro hwala u nyadziwa Hawe,” nge A vha e Ipfi lo khwañisedzwaho. Sa zwe zwa vha zwi zwone tschifhingani itsho, zwo ralo na zwino, U a sa shanduki mulovha, ñamusi, na lini na lini. Vhaheberu 13:12 na 13. Ri wana Vhaheberu...8, 13:8, na yone. “Ro hwala ḥoni Dzawe,” dza Mafhungo-maqifha.

¹²⁷ Ro hwala Dzina Lawe! O ri, “Ndo da Dzinani la Khotsi Anga.” Naa Dzina la Khotsi ndi lifhio? O da Dzinani la Khotsi Awe. Ho pfi, “Ndo da Dzinani la Khotsi Anga huno a no ngo N̄tanganedza.” Zwo ralo? Naa Dzina la Khotsi ndi lifhio? Ndi humbulela uri ni tea u ñivha. Ni a vhona?

Ro hwala u nyadziwa ha Ipfi. Lo vha li tshi hwalelwa nnda ha mishasha yavho tschifhinga tshothe. Vho Li ḥanutshela. Inwi ni do sewa, huno ha tambiwa nga inwi.

¹²⁸ Huno, ñamusi, he nga tshiñwe tschifhinga nda thoma kha lushaka lwothe...Ndi sa khou amba nga ha nne mune; ndi humbulela uri ni songo elekanya uri izwi ndi zwanga. Fhedzi, tschifhinga tshanga tsho tuwa, huno ndi na masiañari a no todou swika fumi hafha. Inwi ni a kona u vhona o salaho hafha, ni a vhona, ni a vhona, zwo luga, a dzinotsi. Fhedzi, thetshelesani. Ndo thoma lwa u thoma...

¹²⁹ Naa no dzhiela nzhele Yesu musi A tshi thoma lwa u thoma? “Oo, Rabi muswa. Oo, O vha e Munna a mangadzaho! I da nga hangeno ndilani yashu. Idà u ri rerele.”

¹³⁰ Fhedzi liñwe ñuvha A vha dzulela, huno A ri, “Nndani ha musi ni tshi la ñama ya Murwa-muthu, huno na nwa Malofha Awe, a ni na Vhutshilo ngomu hanu.”

¹³¹ Naa ni elekanya uri madokotela na vha ndivho vha gogo vho elekanyani? “Uyu Munna ndi munwamalofha.” Ni a vhona? “U toda inwi ni tshi nwa malofha a muthu. Izwo zwo kalulesa kha rine. Tutshelani kule Hawe. Vho—vhotshifhe vho ri U a penga; ndi a zwi tenda.” Huno Bivhili yo ri vha tshimbila.

¹³² Zwenezwo O vha e na vhareri vha fusumbe vho tiwaho. Huno A ri, “Ndi nga si vhe navho.”

Ngauralo A sedza u mona hothe khavho, A ri, “Naa ni do ri mini musi ni tshi vhona Murwa-muthu a tshi gonya ñha Tađulu ngei hune A bva hone?” Zwino, Ho ngo ḥalutshedza izwi zwithu na kathihi. O tou vha litsha vhe vhotshifhe. Ni a vhona?

¹³³ Huno vha ri, “Murwa-muthu? Mini? Ri ḥa na uyo Munna. Ri rea khovhe Nae. Ri lala dziphiliphilini Nae. Ro vhona fhethu he A bebwa hone. Ri divha mme Awe. Ri divha murathu Wawe. Naa ndi nnyi ane a nga ṭanganedza tshithu tshi no nga Itshi?”

Huno Bivhili ya ri, “Vha si tsha tshimbila Nae.”

¹³⁴ Zwenezwo A rembulutshela kha Petro na vhaiwe vhothe, ha pfi, “Ndo nanga vha fumimbili, vhoinwi vha fumimbili.” Zwino, u bva kha zwigidi, O tsela fhasi kha vha fumimbili. A ri, “Ndo nanga vha fumimbili. Zwenezwo, muñwe wañu ndi diabolo. Ndo zwi ḫivha, u bva u rangani.” A ri, “Zwino ni ḫodou ḫuwa navho?”

Ho ngo tea u fara sa lushie na muswikeli, huno, “Ndi ḫo ni ita mudikoni arali ni tshi ḫo vha murado wa tshiyhidzo tshanga.” Ni a vhona? A hu na zwiñwe zwi no tamiwa. Ho ngo vhuya a zwi ḫalutshedza na kathihi. Na vhafunziwa a vho ngo kona u zwi ḫalutshedza.

Fhedzi, inwi ni a elelwa, O tou vha vhudza, “Ndo ni ḫivha shango ḫi sa athu tewa. Ndo ni ta uri ni ṭanganedze dakaño na Nñe.” Ni a vhona? Zwo vha zwi heneffho, “shango ḫi sa athu tewa,” vho tiwa.

¹³⁵ Avho vhaapostola vha ima heneffho vho tou halifha. Vho kundelwa u ḫalutshedza uri vha khou yo ḫa hani ḫama Yawe humo vha nwa Malofha Awe. Vho kundelwa u pfectesa uri O vhuya a tsela hani fhasi, ngeno O vha e henehafho navho tshifhinga tshothe. O kundelwa u zwi ḫalutshedza. Vhatu vho kundelwa u zwi ḫalutshedza. A hu na muthu we a kona u zwi ḫalutshedza.

Fhedzi Petro o ita ayo maipfi a ndeme. A zwi mangadzi O mu ḫea dzikhii. O ri, “Murena, naa ri ḫo ya kha nnyi? Ri a kwengweledzwa. Ri a zwi ḫivha uri Iwe, nahone Iwe u wothe, u khwathisedzo ya Ipfi ḫo fulufhedziswaho ḫamusi. Ri a zwi ḫivha uri Iwe u wothe u na Ipfi ḫa Vhutshilo. Ri nga si ḫalutshedze izwo zwithu, fhedzi ri a ḫi tenda, naho zwo ralo.”

¹³⁶ Martha muñku o ri, “Khaladzi anga o fa. O lala tshaloni. O sina; u khou nukha. Murena, arali Wo vha u fhano, khaladzi anga o vha a tshi ḫo vha a songo fa. Fhedzi na zwino, tshiñwe na tshiñwe tshine Wa humbela Mudzimu, Mudzimu u ḫo U ḫea tshone.” Yawee, nñenñe!

¹³⁷ A ri, “Ndi nñe mvuwo na Vhutshilo. A no Ntenda, naho o fa, naho zwo ralo u ḫo tshila. Ane a tshila huno a Ntenda, a nga si fe na kathihi. Naa izwi u a zwi tenda?”

¹³⁸ A ri, “Ee, Murena. A thi koni u zwi ḫalutshedza, fhedzi ndi a zwi tenda. Ndi tenda uri U Kristo wé a tea u da ngomu shangoni. Ndi a tenda, nga Luñwalo lwo ñwaliwaho, uri U na ndalukanyo dla Hoyo.”

¹³⁹ Ha pfi, “Naa no mu swiñafhi?” Yawee, nñenñe! Tshiñwe tshithu tshi tea u bvelela. Linga ḫiñwe na ḫiñwe ḫi khou ḫa fhethu huthihi nga tshifhinga tshi re tshone. Ni a vhona?

¹⁴⁰ A tsela fhasi tshaloni. Bivhili yo ri, “A hu na lunako lwa uri ri Mu tame.” Khamusi Muthu muṭuku, o hovhamaho mahāda, a ima na mahaḍa maṭuku o tsela fhasi, o kulea nungo nahone o neta nga u tshimbila.

A ri, “Lazaro, iḍa!” Huno munna we a vha o fa, mađuvha maṇa, a ima nga milenzhe yawe.

¹⁴¹ Musadzi wa Saintsia ya Tshikriste. Ni mpfarele arali ndi tshi vhaisa vhuđipfi hanu; a thi khou ita nga khole. Musadzi wa Saintsia ya Tshikriste, a no bva henefha kha itshi tshivhidzo, o ṭangana na nne ngei nnnda liñwe duvha. Huno a ri, “Vho-Branham,” a ri, “Ndi takalela u rera havho, fhedzi hu na tshithu tshithihi tshine vha ita lwo kalulaho khatsho!”

Nda ri, “Naa ndi mini itsho?”

Ha pfi, “Vha hudza Yesu lwo kalulaho.”

¹⁴² Nda ri, “Ndi fhulufhela uri ndi zwenezwo fhedzi zwine A lwa na nne ngazwo.” Ni a vhona? Ni a vhona? Ni a vhona?

¹⁴³ A ri, “Vha Mu ita Mudzimu.” Ni a vhona, a vha tendi uri O vha e Mudzimu. Vha tenda uri O vha a tshi tou vha munna zwawe, mudededzi wavhudi, mufilosofi. Ha pfi, “Vha Mu ita Mudzimu. Huno O vha a si Mudzimu.”

¹⁴⁴ Nda ri, “Oo, ee, O vha e ene.”

A ri, “Arali nda vha sumbedza, nga Bivhili ya vhone vhañe, uri Ha Mudzimu, naa vha ðo zwi tenda?”

¹⁴⁵ Nda ri, “Bivhili yanga yo amba nga u ralo, ndi—ndi tenda Ipfi. Iyo ndi Ene A re ene.”

Huno a ri, “Kha Yohane Mukhethwa, ndima ya vhu11, musi Yesu o tsela fhasi tshaloni tsha Lazaro, Bivhili yo ri O tswimila.”

Nda ri, “Naa izwo zwi na vhushaka hani nazwo?”

A ri, “Zwo ralo, izwo zwo sumbedza uri O vha e si Mudzimu.”

¹⁴⁶ Nda ri, “Inwi ni khou tou kundelwa u vhona uri uyo Munna o vha e Nnyi. O vha e Mudzimu na muthu vhuvhili hazwo. Huno sa muthu, a tshi khou tswimila, musi O vha a tshi khou tswimilela maṭungu avho. Fhedzi musi O ima huno a ri, ‘Lazaro, iḍa,’ huno munna o vha o fa, mađuvha maṇa, a ima nga milenzhe yawe hafhu, uyo o vha a tshi fhira munna.” Ee, muñe wanga! Ee, ngoho!

¹⁴⁷ Huno kanzhi ndo ita liambele, musi A tshi tsa thavhani uvho vhusiku, o farwa nga ndala, O vha e munna. O vha o farwa nga ndala nga matsheloni a tevhelaho. O vha e munna. Fhedzi musi O dzhia bisikiti mbili na khovhe thanu, huno a kanzwa vha zwigidi zwiṭanu, vha dzhia mimanngi ya sumbe, uyo o vha a tshi fhira munna. Ee, mune wanga. O vha e munna, kha tshifhambano, musi A tshi vhidzelela, “Mudzimu Wanga, naa Wo N̄utshela?” Musi A tshi vhidzelela, “Mmphe tshinwiwa,”

huno vha Mu nea viniga na tshavhuitungu, O vha e munna, a tshi khou vhidzelela. Fhedzi nga matsheloni a Mvuwo, musi O kwasha tshishateli tshiñwe na tshiñwe tsha lufu, vhudzulavhafu, na tshalo, huno a vuwa, O vha a tshi fhira munna.

¹⁴⁸ O vha e munna uvho vhusiku, o lala murahu ha ilo gungwa lituku he A vha e ngeyo nda na vhafunziwa, huno vhodiabolo vha zwigidi zwa fumi vha lwanzhe vha ana uri vha do Mu nwelisa khothe. Uh-huh. Nnda heneffo ngomu ha tshikepe tshiñuku tsha kale, vhunga tshitibo tsha bogelo heneffo nnda, nga u ralo; O vha o fhela nungo nga maanda, Ho ngo vhuya a karusiwa. O vha e munna musi O vha o edela. Fhedzi musi A tshi vhea mulenzhe Wawe kha lukombo lwa gungwa, zwenezwo a sedza nthia huno a ri, "Mulalo, dzikani," huno mimuya na magabelo zwa Mu thetshelesa, uyo o vha a tshi fhira munna. Ho vha hu Mudzimu!

A zwi mangadzi murendi o ri:

A tshi tshila, O mpfuna; a tshi fa, O ntshidza;
 A tshi swiwa, O hwalela zwivhi zwanga kule;
 A tshi vuwa, O ita vho lugaho nga fhedzi lwa
 lini na lini;
 Linwe dñvha U khou da, Oo dñvha la vhugala!

¹⁴⁹ Ee, mune wanga! Iyani nda ha mushasha. A thi londi uri zwo tou ita hani.

Itshi tshifhambano tsho kumedzwaho ndi do
 hwala
 U swika lufu lu tshi do mbofholola;
 Nda mbo ya Hayani, u ambara khare,
 Ngauri hu na khare yanga.

¹⁵⁰ U valani, ndi do amba izwi. Ndo vha ndi tshi khou vhala nganea tshiñwe tshifhinga tsho fhiraho, nga ha muhañuli. O vha e munna o lugaho, munna muvhuya, a tshi funiwa. Huno ho vha hu na tshivhalonyana tsha vhathu muñdi vhe vha elekanya uri vha nga bvela phanda na tshiñwe na tshiñwe, ngauralo, vho vha vhe na zwinzhi, ngauralo vha vula nndu ya muvhui, a re na vhengele la tshikambi, tshikambi, tshiñwe na tshiñwe nga u ralo. Zwo vha zwi songo tendelwa nga mulayo. Huno vha farwa nga mulayo, munna wa federala, huno a diswa khothe. Huno musi vhathu vhothe vha mudi, mudi muñku wa kuvhangana ngomu, vho zwi divha uri uyu munna o ita vhunzhi ha zwithu u mona heneffo, munna we a vha e na fhethu huvhi. Huno hone—hone, vhulamukanyi, ha wana munna mulandu, nge a farwa e kati. Huno ngauralo zwenezwo muhañuli a mu wana mulandu, huno zwenezwo a mu ghevha miñwaha minzhi nga maanda, hu si na ndifho, hu si na u humbela khathululo kana tshiñwe tshithu, a mu rumela, ngauri izwo ndi zwe mulayo wa vhala.

¹⁵¹ Vhathu vha re nga nda ha khothe vha mu vutshela, huno vha ri, "Ni a divha uri mini? Muthu muñwe na muñwe doroboni

iyi u do ni vhenga!” Ha pfi, “Vha a ni vhenga nga nthani ha u dzhia iyo tsheo kha uyo munna.” Vhothe vho vha vhe vhagembuli, vhone vhañe. Huno ha pfi, “Rine—rine rothe ri do ni vhenga. Ri nga si tsha ni khetha hafhu na kathihi. Ri nga si tsha vha na voto ya muthihi washu kha inwi,” vha tshi khou mu ḥavhela mukosi a tshi khou tsa nga tshiṭaraṭa.

¹⁵² Huno a ima lwa tshifhinganyana, a ri, “Kha ndi pose ipfi.” A ri, “Ndo ita kokotolo zwe zwa vha zwi mushumo wanga. Munna o vha e na mulandu, a hu londwi uri o vha e nnyi. Huno ndo do tea u mu gwevha u ya nga mulayo we nda ana uri ndi do u tikedza.”

A ri, “Ni a vhengiwa ḫoroboni iyi!”

¹⁵³ A ri, “Fhedzi ndi funwa zwihulwane hayani, nga vhatu vhanga.”

¹⁵⁴ Ri nga di elekanya zwenezwo zwithihi, arali ni tshi do hangwela liambele. Ndo imela zwe nda tshidzelwa u zwi ita, u tikedza ili Ipfi la Mudzimu. Ndi a zwi ḫivha uri dinomineisheni dzi mmbengela zwithu zwine nda amba, fhedzi ndi funwa zwihulwane kha Nndu Yawe, vhukati ha vhatu Vhawe.

Kha ri rabele.

¹⁵⁵ Murena Yesu, ri nga di vhengiwa nga shango, fhedzi ra funwa nga Khotsi. Ri thuse, Mudzimu a funwaho. Thusa avha vhatu, uri muñwe na muñwe wavho, Murena, uri phathutshedzo Dzau dzi vhe khavho. I ri ri ye nn̄da ha mushasha zwino. I ri ri ye nn̄da ha kuelekanye kwa rine vhañe. I ri ri ye nga kuelekanye kwa Mudzimu. Huno Bivhili yo amba izwi, “Thalukanyo ye ya vha i kha Kristo kha i vhe kha inwi.” Ngauralo kha ri elekanye mihumbulo Yawe, hu si kuelekanye kwa rine vhañe, ngauri tshifhinga tshinzhi ri vha ri tshi khakha. Ngauralo, u vha na ngoho, ḫalukanyo Yawe kha i vhe kha riñe. Huno ḫalukanyo Yawe yo vha i ya u ita lufuno lwa Khotsi, huno lufuno lwa Khotsi ndi Ipfi lo fulufhedziswaho ḫawe.

¹⁵⁶ I ri ri ye nn̄da ha mushasha, madekwana a namusi, Murena, huno ri wane Yesu. Na kathihi ri nga si Mu wane nga u vha murado wa tshivhidzo. Na kathihi ri nga si Mu wane nga u khadana na muñwe mushumeli, kana—kana u saina iñwe ndaēla, kana tshinwe tshithu tshine ra fulufhedzisa, u ya tshikoloni tsha Swondaha mađuvha manzhi nga maanda kha ñwaha, na zwiñwe-vho. Ri do Mu wana fhedzi kha Ipfi, ngauri Ndi ene Ipfi.

¹⁵⁷ Huno vhunga ri tshi vhona ili ḫuvha lo fulufhedziswah, uri U do vha nga nn̄da ha mushasha, a bviselwa nn̄da hafhu; zwino i ri ri ye nn̄da ha mushasha, ro lugela u hwala u nyadziwa Hawe; ro vhengiwa nga ili shango, fhedzi ro funwa nga Uyo We a ri ramba Mushashani. Zwi tendele, Murena.

¹⁵⁸ Arali hu tshi ḋo vha na avho vha sa Mu ḋivhi fhano, huno na kathihi vha sa athu ya nn̄da ha mushasha wa u ḋwalisa kha tshivhidzo, naho zwo ralo ni didzhia uri ni Mukriste. Fhedzi musi ni tshi ri, “Izwi zwithu, ndi a tenda, ndi zwa liṅwe ḋuvha,” izwo zwi sumbedza uri hu nga si vhe Muya Mukhethwa.

Naa munna o ḋalaho Muya Mukhethwa a nga lovhedzwa hani a tshi shumisa dzina la “Khotsi, Murwa, Muya Mukhethwa”? Ngeno, Paulo, muapostola muhulwane, o ri, “Arali Muruṅwa a ḋa a tshi bva Tađulu...” Inwi ni nga ḋi vha no zwi ita, nga tshiṅwe tshifhinga, ni sa ḋivhi iṅwe phambano-vho. Avho vhathu vho zwi ita, vha sa ḋivhi phambano, kha Mishumo 19. Fhedzi ha pfi, “Muruṅwa a rera tshiṅwe tshithu tsho fhambanaho, kha a seṅwe.”

Naa ni nga ṭanganedza hani iṅwe ndaela, kana iṅwe sisteme, tshiṅwe tshithu tshiṅwe-vho, ngeno Bivhili yo ri, “Pfulufhedziso ndi yanu,” zwenezwi zwithihi, “ndovhedzo ya vhukuma ya Muya Mukhethwa”?

¹⁵⁹ Naa Muya Mukhethwa, we wa ḋwala Ipfi, u nga vha hani kha inwi, u tshi hana Ipfi? Naa U nga hana hani, ngeno Muya Mukhethwa Wone une wo amba, “Arali muṅwe muthu-vho a engedza nga ipfi ḋithihi kha Iyi, kana a tusa tshiṅwe tshithu Khayo, Ndi ḋo tusa mukovhe wawe kha Bugu ya Vhutshilo”? Naa zwenezwo Muya Mukhethwa u nga tusa hani tshiṅwe tshithu kha Ipfi, kana wa engedza nga tshiṅwe tshithu kha Ipfi?

¹⁶⁰ Khonani yanga, fhano na kha shango ḋi sa vhonali hune theiphi ya do ya, ḋi sa vhonali kha riṅe zwino, izwo kha zwi tsele fhasi mbiluni yaṅu zwi tshi bva kha Mulaedza wa matsheloni ano malugana na pfunzo, ri tshi vhonai hune ra vha hone. Arali na kathihi ni sa athu vhuya na dzhia iyi ndayamushonga ye nda amba nga hayo tshifhinganyana tsho fhiraho, naa ni nga si i ṭanganedze? Ri fhano u ita tshiṅwe na tshiṅwe tshire ra kona u itela inwi, u ni thusa.

¹⁶¹ Nne ndi tou vha fhedzi thanzi. Nne ndi tou vha fhedzi nkhetheni. Vhunga ri navho ngei Louisville zwino, yone—yone Democrat Convention ya Kentucky, yone... Vha khou fhaṭela munna wavho pulatifomo ya uri a khethiwe. Nne na nne ndi khou fhaṭela Murena wanga pulatifomo. Naa ni nga si Mu ṭanganedze, madekwana a ḋamus, sa wa inwi muṅe?

¹⁶² Ro kotamisa zwifhaṭuwo zwashu, na mbilu dzashu, na dzone, nga tshino tshifhinganyana, ni nga imisa zwaṅu zwanda zwaṅu huno na ri kha Mudzimu. Hu si kha nne; nne ndi tou vha muthu. Imiselani zwanda zwaṅu kha Mudzimu, ni ri, “Mudzimu, ivha wa khathutshelo kha nne. Nne ngangoho ndi ḋoda izwi zwithu zwe nda pfa nga hazwo. Ndi ḋodou ya nn̄da ha mushasha. A thi londi zwine muṅwe-vho a amba.” Mudzimu a ni fhaṭutshedze. Nnenne, kha zwanda, kha zwanda! “Ndi ḋodou ya nga nn̄da ha mushasha. A hu londwi uri zwo tou

ita hani kha nne, ndi do dzhia tshifhambano tshanga huno nda tshi hwala ḫuvha na ḫuvha. Ndi do ya nn̄da ha mushasha. A hu londwi zwine vhathe vha amba nga ha nne, ndi ḥodou Mu tevhela nga nn̄da ha mushasha. Ndo lugela u ya.”

¹⁶³ Khotsi wa Tađulu, Wo vhona izwo zwanda. Khamusi vhathe vha ḫana, kana vho engedzeaho, ngomu tshifhaṭoni, vho imisaho zwanda zwavho. Murena, hu na Tshiñwe tshithu tsini navho zwino, muñwe Muthu, Muthu wa Kristo, a sa vphonali kha iṭo la mvelo, huno o vha vhangela u dzhia tsheo. Kha vhutshilo ha vhone vhaṇe, vha a zwi ḫivha musi vha tshi sedza ngomu ha tshivhoni, vha a zwi vhona uri hu na tshi siho. Huno vha ḥoda matshilo avho a tshi vhumblea u ya nga pfulufhedziso ya Mudzimu, huno vho imisa zwanda zwavho nga vhubufuhedzei ha ngoho. Vha thuse, Murena, u ya kha vothi lihulwane madekwana a ḫamusi, u ya dangani la nngu. Ngavhe vha tshi dzhena lu difahao na nga u dītukufhadza. Zwi tendele. Vhone ndi Vhau, Murena. Shuma navho.

¹⁶⁴ Zwino, vho vha vha tshi do vha vha songo kona u dzhia iyo tsheo, vho vha vha tshi do vha vha songo imisa tshanda tshavho, hu si na tshiñwe tshithu tsha ḫtha ha mupo. Zwi sumbedza uri hu na vhutshilo heneffo huiñe fhethu. Ngauri, u ya nga saints, vhubohi ho vha vhu tshi do tsitsela zwanda zwashu fhasi. Fhedzi ho vha hu na tshiñwe tshithu tshe tsha kwama ḫalukanyo yavho, tshe tsha vha ita uri vha nyadze mulayo wa vhubohi huno vha imisela zwanda zwavho kha Muyhumbi we a vha ḫisa. “Ee, ndi ḥodou tshimbila ndila yothe. Ndi ḥodou ya nn̄da ha mushasha, madekwana a ḫamusi.”

¹⁶⁵ Murena, tivha lo lugela muito wa u thoma nga murahu ha tshanduko, ha mbo da u lovchedziwa, na pfulufhedziso ya u ḫanganedza Muya Mukhethwa. Mađuvhani aya a u fhedzisela, u vhidzelwa murahu kha Lutendo lwa vhubvo, ndayamushonga ya vhubvo! Ri vhona vhathe vhanzhisa vha kule na Kristo, vha tshi khou fa nga idzi ndayamushonga dzinwe dzo itwaho nga muthu. Dzi nga di dzula dzi dzavhudzi nga maanda kha dinomineisheni yavho, fhedzi, Murena, ndi—ndi ḥoda ndayamushonga Yau.

Iwe u Dokotela yashu. Hu na Dokotela. Hu na mushonga ngei Giliada. Hu na Nanga fhano, madekwana a ḫamusi, u fhodza myua u lwalaho tshivhi muñwe na muñwe, u fhodza muvhili wa muthu muñwe na muñwe. Dokotela Muhulwane wa zwifhinga zweyhe, Musiki muhulwane wa maṭađulu na ḫifhasi, ida zwino, U do funa, vhubati hashu, huno wa amba na riñe. Nga Dzina ja Yesu Kristo.

¹⁶⁶ Musi muñwe na muñwe a tshi khou rabela mbiluni yawe, “Murena Yesu, nthuse zwino!” Huno arali ni songo lovchedzwa na kathihi, huno ni tshi tenda... A tho ngo rera nga ha ndovhedzo. Fhedzi ni a tenda uri ni tea u lovchedzwa nga ndovhedzo ya Tshikriste, ndila i yothe ine Mukriste muñwe na muñwe-vho... .

¹⁶⁷ Mini-ha arali no vha ni tshi ḍo da Ngei n̄tha, no lovhedzwa nga inwe ndila, huno Yesu onoyo muthihi Ŵe a ri, “A no ḍo dzhia Ipfi lithihi, kana a engedza nga ipfi lithihi, zwi fanaho na zwezwo zwi ḍo bviswa kha mukovhe wawe wa Bugu ya Vhutshilo”? Yesu o amba hezwo. Huno O ri, “Maňwalo othe o hevhedzwa huno a fanela u khunyelela.” Zwino ni ðivha zwe fhambanaho. Naa ni ḍo itani nga hazwo?

¹⁶⁸ Arali no vha na munyanyuwo kana tshiñwe tshithu! Ndi tenda kha munyanyuwo. Arali no tshina fhedzi Muyani, na amba nga dzindimi! Ndi a tenda kha hezwo, na nñe-vho. Fhedzi arali izwo zwe swika heneffo, huno muya wañu kha inwi u tshi ni vhudza uri ni songo tevhela Ipfi ngeno ni tshi zwe ðivha uri Lo luga, hu na tsho khakheaho kha uyo muya. A si Muya Mukhethwa. U nga si kone u vha wone. Ni a vhona, Wo vha u tshi do ðivhadza Ipfi La Wone uñe. Ni a zwi ðivha hezwo. Ni nga ñi ðilugisela u ña zwino musi ri tshi khou rabela.

¹⁶⁹ Yesu wa Nazaretha, iða tsini zwino huno u ambe na mbilu inwe na inwe. Ndi vha kumetzela kha Iwe. Ngavhe vha tshi vha... Izwi zwanda zweþhe, ndi khaphu dza Mulaedza, Murena, u bvaho kha Iwe, na Vhuhone Hau vhuhulwane ha tshirunzi vhu re na riñe zwino. Munna muñwe na muñwe-vho a kwamiwaho nga Muya a nga amba uri Iwe u fhano, vhudipfi uvhu vhuhulwane ha u khethea. Zwi tendele, Murena, zwezwino, nga Dzina la Yesu Kristo.

Zwino zwifhaþuwo zwashu zwe kotama.

¹⁷⁰ Arali hu na munna fhano a no ḍo tøda u lovhedzwa nga Dzina la Yesu Kristo, a tshi tøda u shanduka, a tshi tøda u tøda ndovhedzo ya Muya, hu na lufhera lwo vulwaho kha tshanga tsha monde; vhasadzi, kha tsha u la. Hu ḍo vha na muñwe ngomu heneffo wa u ni laya. Hu na magaweni a ndovhedzo o lindelaho, tshiñwe na tshiñwe.

¹⁷¹ Zwino, musi ri tshi kha ñi vha ro kotamisa zwifhaþuwo zwashu, ri tshi khou imba. “Ndi a pfa wanga...” Ri ḍo vha ri tshi tangana na vhoinwi.



U YA NNDA HA MUSHASHA TSV64-0719E
(Going Beyond The Camp)

Hoyu Mulaedza nga Mukomana William Marrion Branham, u rangani wo ḥewaho nga Tshiisimane nga madekwana a Swondaha, Fulwana 19, 1964, Thabereranakejeni ya Branham kha ja Jeffersonville, Indiana, U.S.A., wo dzhiwa kha rekhodo ya theiphi ya maginete huno wa gandiswa u songo pfufhifhadzwa nga Tshiisimane. Heyi thalutshedzo ya Tshivenđa yo gandiswa huno ya phađaladzwa nga vha Voice Of God Recordings.

TSHIVENDA

©2015 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuṭuwedza u humbela tshelede hu si na thendelo yo ñwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org